

門 武 9
號 246
卷

清徐靈胎釋

傷寒論類方

寬政丁巳夏翻刻

聿修堂藏版



翻雕傷寒類



余嘗謂傷寒論如聚訟後世而有張仲景則傷寒論之後出者必勝後世如無張仲景則傷寒論當求王叔和以前本不見王叔和以前本惟是就今之傷寒

傷寒類方 序

傷寒類方
論潛思研精細二審覈以辨陰
陽虛實寒熱之別汗下攻補溫
和之分而令見症施理之際勿
有差忒而已又何斷二詆詰與
古人磨牙哉洄溪徐大椿靈胎
於雍正乾隆間著醫書六種傷


寒類方其一也蓋其書以方分
類以症係方體例精當詮釋簡
核一語不繳繞前註頗多所濬
發矣噫仲景之舊路已不可蹟
芟除葛藤以別開捷徑者其實
出於不得已今如斯書雖未免

傷寒類方
排纂割裂之習是亦體認病情
藥性之一道也學者詳讀而玩
索之不第為讀傷寒論之津梁
抑且為見症施理之楷範焉顧
此書吳船儀來未過數部世罕
覩者爰出架藏翻鏤廣刷以普

流傳倉山詩話載吳江布衣徐
靈胎有權奇倜儻之名年將八
十猶談論生風今在溟渤之外
卅年之後而讀其書以想其人
洵覺不虛焉
寬政九年歲在強圉大荒落臯

月朔題于杏花春雨書屋

丹波元簡廉夫



此對會山封前錄是江中本外

序

王叔和傷寒例云今搜採仲景舊論錄其証候診脈聲色對病真方擬防世急則知傷寒論當時已無成書乃叔和之所搜集者雖分定六經而語無詮次陽經中多陰經治法陰經中多陽經治法參錯不一後人各生議論每成一書必前後更易數條互相訾議各是其說愈更愈亂終無定論不知此書非仲景依經立方之書乃救誤之書也其自序云傷天橫之莫救所以尋求古訓博採眾方蓋因誤治之後變症錯雜必無循經現症之理當時著書亦不過

傷寒類方

類方序

隨症立方本無一定之次序也。余始亦疑其有錯亂，乃探求三十年而後悟其所以然之故。於是不類經而類方，蓋方之治病有定而病之變遷無定，知其一定之治隨其病之千變萬化而應用不爽，此從流溯源之法，病無遁形矣。至於用藥則各有條理，解肌發汗攻邪散痞逐水驅寒溫中除熱皆有主方，其加減輕重又各有法度，不可分毫假借。細分之不外十二類，每類先定主方，卽以同類諸方附焉。其方之精思妙用又復一一注明條分而縷悉之，隨以論中用此方之症列於方後，而更發明其所以然之故，使

讀者於病情藥性一目顯然，不論從何經來從何經去而見症施治與仲景之意無不吻合，豈非至便之法乎？余纂集成帙之後，又復鑽窮者七年，而五易其稿，乃無遺憾。前宋朱肱活人書亦曾彙治法於方後，但方不分類而又無所發明，故閱之終不得其要領。此書之成後之讀傷寒論者，庶可以此爲津梁乎。

乾隆二十四年歲在屠維單闕陽月上浣，涇溪徐大椿序。

桂枝去芍藥加蜀漆龍骨牡蠣救逆湯

宋 太陽中

桂枝甘草龍骨牡蠣湯

太陽中

桂枝加葛根湯

太陽上

桂枝加芍藥湯

太陰

桂枝加大黃湯

太陰

麻黃湯類二方

麻黃湯

太陽中 陽明

麻黃杏仁甘草石膏湯

太陽中 日下

大青龍湯

太陽中

小青龍湯

太陽中

麻黃附子細辛湯

少陰

麻黃附子甘草湯

少陰

葛根湯類三方

葛根湯

太陽中

葛根黃芩黃連湯

太陽中

葛根加半夏湯

太陽中

柴胡湯類四方

小柴胡湯

太陽中 日中 日下 陽明 少陽 厥陰

大柴胡湯

太陽中 日下

柴胡加桂枝湯

太陽下

柴胡加龍骨牡蠣湯

太陽中

柴胡桂枝乾姜湯

太陽下

柴胡加芒硝湯

太陽中

梔子湯類五方

梔子豉湯

太陽中 陽明 厥陰

梔子甘草豉湯

太陽中

梔子生薑豉湯

太陽中

梔子乾姜湯

太陽中

梔子厚朴枳實湯

太陽中

梔子檉皮湯

陽明

傷寒類方

目錄

枳實梔子豉湯

承氣湯類六方十二

大承氣湯 陽明少陰

小承氣湯 陽明厥陰

調胃承氣湯 太陽上日中陽明

桃仁承氣湯 太陽中

抵當湯 太陽中陽明

抵當丸 太陽中

十棗湯 太陽下

大陷胸湯 太陽下

大陷胸丸 太陽下

小陷胸湯 太陽下

白散 太陽下

麻仁丸 陽明

瀉心湯類七方十一

生姜瀉心湯 太陽下

甘草瀉心湯 太陽下

半夏瀉心湯 太陽下

大黃黃連瀉心湯 太陽下

附子瀉心湯 太陽下

黃連湯 太陽下

黃芩湯 太陽下

黃芩加半夏生姜湯 太陽下

乾姜黃連黃芩人參湯 厥陰

旋復代赭石湯 太陽下日下

厚朴生姜甘草半夏人參湯 太陽中

白虎湯類八方三

葛根甘草湯

白虎湯 太陽下陽明厥陰

白虎加人參湯 太陽上日下陽明

竹葉石羔湯

傷寒類方
三
五苓湯類九方四

五苓散 太陽中 月下陽明

猪苓湯 陽明 少陰

文蛤散 太陽下

茯苓甘草湯 太陽中 厥陰

四逆湯類十方十一

四逆湯 太陽上 月中 陽明 少陰 厥陰 又

四逆加人參湯

通脈四逆湯 厥陰

通脈四逆加猪胆汁湯

乾姜附子湯 太陽中

茯苓四逆湯 太陽中

白通湯 少陰

白通加猪胆汁湯 少陰

四逆散 少陰

當歸四逆湯 厥陰

當歸四逆加吳茱萸生姜湯 厥陰

理中湯類十一方九

理中丸 真武湯 太陽中 少陰

附子湯 少陰 甘草附子湯 太陽下

桂枝附子湯 太陽下 桂枝附子去桂加白朮湯 太陽下

茯苓桂枝白朮甘草湯 太陽中 芍藥甘草附子湯 太陽中

桂枝人參湯 太陽下

雜方十二方廿二

赤石脂禹餘糧湯 太陽下 炙甘草湯 太陽下

甘草乾姜湯 太陽上

芍藥甘草湯

茵陳蒿湯 陽明

麻黃連軀赤小豆湯 陽明

瓜蒂散 太陽下 厥陰

麻黃升麻湯 厥陰

黃連阿膠湯 少陰

吳茱萸湯 陽明 少陰 厥陰

半夏散及湯 少陰

桃花湯 少陰

豬膚湯 少陰

甘草湯 少陰

桔梗湯 少陰

苦酒湯 少陰

烏梅丸 厥陰

白頭翁湯 厥陰

牡蠣澤瀉散

蜜煎導方 陽明

豬胆汁方

燒裊散

以上共一百十三方

傷寒論類方

吳江徐大椿靈胎編釋 男 熾鼎和校

桂枝湯類一

桂枝湯一

桂枝三兩 去皮芍藥三兩甘草二兩 炙生姜三兩大棗十二枚 擘

右五味㕮咀以水七升微火煮取三升去滓適寒溫服

一升服已須臾歠熱稀粥一升餘以助藥力桂枝本不

須助以熱粥內經云穀入於胃以傳於肺肺主皮毛汗

所從出歠粥充胃氣以達於肺也觀此可知傷寒不禁

食溫覆令一時許遍身皦皦微似有汗者益佳不可令

如水流漓病不必除此解肌之法也若如水流漓則動營氣衛邪仍在若一服

汗出病瘥停後服不必盡劑若不汗更服依前法又不

汗後服小促其間半日許令三服盡若病重者一日一

夜服周時觀之服一劑盡病証猶在者更作服若汗不

出乃服至二三劑桂枝湯全料謂之一劑三分之一謂

藥除姜棗僅一兩六錢零一服不過五錢零矣治傷寒

大症分兩不過如此一服即汗不再服無汗服至二三

劑總以中病為主後世見服藥得效者反令多禁生冷

粘滑肉麪五辛酒酪及臭惡等物

太陽中風陽浮而陰弱風在外故陽脈浮衛氣有邪則不能護營故陰脈弱陽浮者

熱自發風為陽邪故發熱陰弱者汗自出芍藥之酸以收

桂枝之辛以散之之惡風未有不惡寒者但惡寒甚翕

翕發熱其熱亦不如鼻鳴乾嘔者鼻鳴似屬陽明乾嘔似

畧有兼病桂枝湯主之陽明之甚

太陽病頭痛發熱汗出惡風者桂枝湯主之此桂枝湯總症

太陽病下之後其氣上衝者可與桂枝湯方用前法誤若

不上衝者不可與之此誤下之症誤下而仍上衝則邪氣

衝則其邪已下陷變病不一當隨宜施治論中誤治諸法詳觀自明

太陽病初服桂枝湯反煩不解者先刺風池風府却與桂

枝湯則愈此非誤治因風邪凝結於太陽之要路則藥力不能流通故刺以解其結蓋邪風太甚不僅在衛而在經刺之以洩經氣。風府一穴在項上入髮際一寸大筋內宛宛中督脈陽維之會刺入四分留三呼風池二穴在顛顛後髮際陷者中足少陽陽維之會針入三分留三呼

太陽病外症未解脈浮弱者當以汗解宜桂枝湯病雖過期脈症屬太陽仍不離桂枝法

太陽病外症未解者不可下也此禁下總訣下之為逆欲解外

者宜服言雖有當下之症而外症未除亦不可下仍宜解外而後下也

太陽病先發汗不解而復下之脈浮者不愈浮為在外而

反下之故令不愈今脈浮故知在外當須解外則愈宜服

脈浮而下此為誤下下後仍浮則邪不因誤下而陷入仍在太陽不得因已汗下而不復用桂枝也

病嘗自汗出者此為榮氣和榮氣和者外不諧以衛氣不

共榮氣和諧故爾榮氣和者言榮氣不病非調和之故又申言之以營行脈中

衛行脈外復發其汗營衛和則愈宜桂枝湯自汗與發汗迥別自汗乃營衛相離發汗使營衛相合自汗傷正發汗驅邪復發者因其自汗而更發之則榮衛和而自汗反止矣

病人藏無他病時發熱自汗出而不愈者此衛氣不和也

先其時未熱之時發汗則愈宜桂枝湯主之無他病太陽諸症不必備而惟發熱自汗故亦用桂枝湯

傷寒不大便六七日宜下之候頭痛有熱者未可與承氣湯太陽

桂枝湯

三

症仍在不得以日久不便而下也。按未其小便清者知

不在裡仍在表也。便赤為熱當須發汗若頭痛者必斂汗出而頭

痛未解則蘊熱在經而血動矣宜桂枝湯

傷寒發汗解半日許復煩脉浮數者可更發汗發汗未透故煩乃服

藥不及之故宜桂枝湯

傷寒醫下之續得下痢清穀不止裡身疼痛者表急當救

裡此誤下之症邪在外而引之入陰故便清穀陽氣下脫可危雖表症未除而救裡為急。傷寒論不可下篇云

誤下寒多者便清穀熱多者便膿血後身疼痛清便自調者急當救表清穀已止

疼痛未除仍從表治蓋凡病皆當先表後裏惟下痢清穀則以扶陽為急而表症為緩也表裏分治而序不亂後人

欲以一方治數症必至兩誤救裡宜四逆湯救表宜桂枝湯

太陽病發熱汗出者此為營弱衛強故使汗出欲救邪風

者宜桂枝湯提出邪風二字見桂枝為驅風聖藥

陽明病脈遲汗出多微惡寒者表未解也可發汗宜此方

陽明本自多汗但不惡寒而惡熱今多汗而猶惡寒則仍在太陽矣雖陽明病而治從太陽

太陰病脈浮者可發汗宜桂枝湯太陰本無汗法因其脈獨浮則邪仍在表故亦

用桂枝從脈不從症也

病人煩熱汗出則解又如瘧狀有時日晡所發熱者屬陽

明也日晡發熱則為陽明之潮熱而非瘧矣脈實者宜下之脈虛浮者宜發

汗一症而治法迥別全以脈為憑此亦從脈而不從症之法下之與大承氣湯發汗宜

桂枝湯

下痢腹脹滿症裡身疼痛者表先溫其裡乃攻其表溫裡宜

四逆湯攻表宜桂枝湯此節屬厥陰症未必由誤治而得然既見表症亦宜兼治

吐痢止而身痛不休者當消息和解其外宜桂枝湯小和

之裡症除而表症猶在仍宜用桂枝法輕其劑而加減之可也

傷寒大下後復發汗再誤心下痞邪入中焦惡寒者表未解也不

可攻痞當先解表表解乃可攻痞解表宜桂枝湯攻痞宜

大黃黃連瀉心湯苦寒開降之法詳見後

桂枝加附子湯

桂枝湯原方加附子一枚炮去皮破八片右六味以水七升煮取

三升去查溫服一升

太陽病發汗遂漏不止此發汗太過如水流瀉或藥不對症之故其人惡風中

本惡風汗後當愈今仍惡風則表邪未盡也小便難津液少四肢微急難以屈伸

四肢為諸陽之本急難屈伸乃津脫陽虛之象但不至亡陽耳若更甚而厥冷惡寒則有陽脫之慮當用四逆湯矣

桂枝加附子湯主之桂枝同附子服則能止汗回陽

桂枝加桂湯三桂枝原方加桂二兩即另立湯名治症迥別古聖立方之嚴如此

桂枝湯原方加桂二兩右五味以水七升煮取三升去

滓溫服一升

燒針令其汗針處被寒復感核起而赤者必發奔豚氣從

小腹上衝心者灸其核上各一壯不止一針故與桂枝加

桂湯重加桂枝不特禦寒且制腎氣又藥味重則能達下凡奔豚症此方可增減用之

桂枝去芍藥湯四

桂枝湯原方去芍藥右四味以水七升煮取三升溫服

一升

桂枝去芍藥加附子湯五

即前方加附子一枚炮去皮破八片餘依前法

太陽病下之後脈促胸滿者中虛而表邪仍在桂枝去芍藥湯主

之太陽之邪未盡故用桂枝下後傷陰不宜更用涼藥若微惡寒者去芍藥方中加

附子湯主之微惡寒則陽亦虛矣故加附子

桂枝加厚朴杏仁湯六

桂枝湯原方加厚朴二兩炙杏仁五十枚右七味以水七

升微火煮取三升溫服一升覆取微似汗

喘家作桂枝湯加厚朴杏仁佳別錄厚朴主消痰下氣本經杏仁主咳逆上氣

太陽病下之微喘者表未解故也此湯主之前條乃本然下之喘因殊而法一

小建中湯 七

桂枝湯原方加膠飴一升右六味以水七升煮取三升去滓納飴更上微火消解溫服一升日三服嘔家不可用建中湯以甜故也

傷寒陽脈濇陰脈弦中宮之陽氣虛則木來乘土故陽濇而陰弦也法當腹中急

痛先與小建中湯膠飴大甘以助中宮不差者與小柴胡湯主之治

陰不愈變而治少陽所以疎土中之木也以脈弦故用此法

傷寒二三日心中悸而煩者小建中湯主之悸而煩其為虛煩可知故

用建中湯以補心脾之氣蓋梔子湯治有熱之虛煩此治無熱之虛煩也

桂枝加芍藥生姜人參新加湯 八

桂枝湯原方芍藥生姜各增一兩加人參三兩右六味以水一斗二升煮取三升去滓溫服一升此以多煎為妙取其味厚

入陰也

發汗後身疼痛表未盡脈沉遲氣虛已甚此湯主之邪未盡宜表而氣虛不能

勝散藥故用人參凡素體虛而過汗者方可用

桂枝甘草湯 九

桂枝四兩去皮甘草二兩炙右二味以水三升煮取一升頓服此以一劑為一服者

發汗過多其人叉手自冒心心下悸欲得按者此湯主之
發汗不誤誤在過多汗為心之液多則心氣虛二味扶陽補中此乃陽虛之輕者甚而振振欲擗地則用真武湯矣一症而輕重不同用方迥異其義精矣

茯苓桂枝甘草大棗湯 十

茯苓 半斤 桂枝 四兩 甘草 二兩 大棗 十二枚 擘 右四味以甘

爛水一斗以水二斗揚之萬遍取用按甘先煮茯苓

凡方中專重之藥法必先煮減二升內諸藥煮取三升去渣溫服一

升日三服

發汗後其人臍下悸者欲作奔豚此湯主之心下悸是擾胸中之陽臍

下悸則因發汗太過上焦乾涸腎水上救故重用茯苓以制腎水桂枝以治奔豚

桂枝麻黃各半湯 十一

桂枝 一兩 芍藥 一兩 生姜 一兩 甘草 炙 麻黃 去

各一兩 大棗 四枚 杏仁 二十四枚 去皮及雙仁者 右七味以水五升先

煮麻黃一二沸去上沫欲去沫故先煮內諸藥煮取一升八合

減去三之一去滓溫服六合一云桂枝湯三合麻黃湯三合

頓服將息如上法

太陽病得之八九日過如瘧狀發熱惡寒熱多寒少邪已漸輕

其人不嘔非少陽清便欲自可無裡熱一日二三度發非瘧象脈

微緩者不浮不為欲愈也餘邪欲退之象脈微而惡寒者此陰陽

俱虛不可更發汗更下更吐也此三句申明上文欲愈之

亦衰當靜以養之使胃氣漸充則榮衛自和若更用汗面

色反有熱色者未欲解也面有熱色則以其不得小汗出

身必痒宜服微邪已在皮膚中欲自出不得故身痒以此

中狀者此以久虛故也按此方分兩甚輕計其約六兩

後至輕之劑合今之秤僅一兩三四錢分三服祇服四錢零乃治邪退

桂枝二麻黃一湯十二

桂枝一兩十七芍藥一兩六銖甘草二兩二銖杏仁十六枚麻黃去節

十六銖去節生姜一兩六銖大棗五枚右七味以水五升先煮麻

黃一二沸去上沫內諸藥煮取二升去滓溫服一升日

再服一本云桂枝湯二升麻黃湯一升合為三升分再

服

服桂枝湯大汗出脈洪大者汗雖出而邪未盡與桂枝湯如前法

此所謂邪不盡行復如法者也若形如瘧日再發者汗出必解桂枝二麻

黃一湯主之此與桂枝麻黃各半湯意畧同但此因

桂枝二越婢一湯十三桂枝湯加麻黃石羔二味

桂枝去皮芍藥 甘草 麻黃去節各十八銖大棗四枚

生姜一兩石羔二十四銖右七味以水五升煮麻黃一

二沸去上沫內諸藥煮取二升去渣溫服一升

附越婢方 麻黃六兩 甘草二兩 石羔半觔 生姜三兩 大棗十五枚

太陽病發熱惡寒熱多寒少脈微弱者此無陽也不可更

汗此無陽與亡陽不同并與他處之陽虛亦別蓋其人本非壯盛而邪氣亦輕故身有寒熱而脈微弱若發其汗必至有父手冒心臍下悸等症故以此湯清疎營衛令得似汗而解况熱多寒少熱在氣分尤與石羔為宜古聖用藥之審如此按以上三方所謂一二各半之說照方計算並不對準未知何說或云將本方各煎或一分或二分相和服此亦一法但方中又各藥注明分兩則何也存考

桂枝去桂加茯苓白朮湯十四

芍藥三兩甘草二兩生姜 茯苓 白朮各三兩

大棗十二枚右六味以水八升煮取三升去滓溫服一升

小便利則愈此方專於利小便

服桂枝湯或下之仍頭項強痛翕翕發熱無汗心下滿微

痛小便不利者此湯主之頭痛發熱桂枝症仍在也以其無汗則不宜更用桂枝心下滿

則用白朮小便不利則用茯苓此症乃亡津液而有停飲者也凡方中有加減法皆佐使之藥若去其君藥則另立方名今去桂枝而仍以桂枝為名所不可解殆以此方雖去桂枝而意仍不離乎桂枝也

桂枝去芍藥加蜀漆龍骨牡蠣救逆湯十五

桂枝湯原方去芍藥加蜀漆三兩洗去腥牡蠣五兩熬龍骨四兩

易寒頂方 桂枝湯

右七味以水一斗二升先煮蜀漆減二升內諸藥煮取三升去滓溫服一升

傷寒脈浮醫以火迫劫之亡陽必驚狂以火劫其胸中之陽起臥不

安者此湯主之此與少陰汗出之亡陽迥別蓋少陰之亡

腎中今乃以火逼汗亡其陽中之陽故用四逆輩回其陽於

陽於心中各有至理不可易也。去芍藥因陽虛不復助

陰也蜀漆去心腹邪積桂枝甘草龍骨牡蠣湯十六

桂枝一兩甘草二兩牡蠣二兩龍骨二兩右四味以水

五升煮取二升半去渣溫服八合日三服

脈浮宜以汗解此治脈浮用火灸之誤邪無從出因火而

盛火反入內病從腰以下必重而痺名火逆也氣獨治於下故

重而

痺火逆下之又誤治因燒針煩燥者更誤治下之虛其陰燒針

不寧矣桂枝甘草龍骨牡蠣湯主之鎮其陰氣散其火邪上

在心故用蜀漆此無驚狂象故

桂枝加葛根湯十七此湯成無已本有麻黃非

桂枝湯原方加葛根四兩桂枝芍藥各減一兩餘同右

六味以水一斗先煮葛根減二升去上沫內諸藥煮取

三升去渣溫服一升覆取微似汗不須啜粥

太陽病項背強几几反汗出惡風者凡凡伸頸之象邪氣漸深故加葛根桂

枝加葛根湯主之

桂枝加芍藥湯十八

桂枝湯原方芍藥加一倍右五味以水七升煮取三升

溫服一升日三服

桂枝加大黃湯十九此二方俱治太陰症而法不離乎桂枝

桂枝湯原方加大黃一兩芍藥一倍右六味以水七升

煮取三升去滓溫服一升日三服

本太陽病醫反下之誤因而腹滿時痛屬太陰也引邪入於太陰

故所現皆桂枝加芍藥湯主之雖見太陰症而太陽之症尚未罷故仍用桂枝湯只

加芍藥一倍以

大實痛者此句承上文腹滿時痛言腹滿時痛不過桂枝

加大黃湯主之此因誤下而見太陰之症大實痛則邪氣結於太陰矣桂枝

不因誤下而禁下見症施治無不盡然按活人書云桂

枝湯自西北八四時行之無不應驗江淮間惟冬及春可

湯夏至後可加知母半兩石羔一兩或加升麻一分若病

人素虛寒者不必加減

麻黃湯類二

麻黃湯一

麻黃

三兩

桂枝

二兩

甘草

一兩

杏仁

七十個

右四味以

水九升

先煮麻黃

減二升

此須多煮取其力專不為去上沫止煮一二沸矣

去

上沫

內諸藥

煮取二升半

去滓

溫服八合

覆取微似汗

不須啜粥

以其易發汗也

餘如桂枝將息法

活人書云夏至後母石羔黃芩蓋麻黃性熱恐有發黃斑出之慮

太陽病

頭痛發熱

身疼腰痛

骨節疼痛

此痛處比桂枝症尤多而重因榮衛

俱傷

惡風無汗而喘者

此二症乃肺氣不舒之故麻黃治無汗杏仁治喘桂枝甘草治太陽

傷寒類方

麻黃湯

三

諸症無一。味不緊切。所以謂之經方。

太陽與陽明合病。

陽明之病象甚多。如身熱不惡寒。口苦鼻乾之類。但見一二症。即是不必全具。

也。太陽病即上文所指者。

喘而胸滿者不可下。

病俱在上焦。宜麻黃湯主之。

喘而胸滿。此麻黃症之太陽合陽明也。

太陽病十日以去。

過經。脈浮細。邪已退。

而嗜臥者。

正漸復。外已解。

也。設胸滿脇痛者。與小柴胡湯。

胸滿脇痛。病延日久。脈但邪留少。陽故與此湯。脈但

浮者。與麻黃湯。

若果邪在少陽。脈必帶弦。今但浮。則尚在太陽矣。故仍用麻黃湯。此亦從脈不從症。

之法。

太陽病。脈浮緊。無汗。發熱。身疼。痛。

此乃太陽傷寒的症。經云。諸緊為寒。八九

日不解。表証仍在。

表証即上文數端。

此當發其汗。

宜麻黃湯。服藥已微。

除其人發煩。目瞑。

陽鬱而外達。能外達。

劇者必衄。衄乃解。

熱甚動血。血由肺之

清道而出。與汗從皮毛而洩。同故熱邪亦解。俗語所云。紅汗也。經云。陽明病。口燥。但欲漱水。不欲嚥者。此必衄所

以然者。陽氣重故也。

風鬱固為熱。寒鬱亦為熱。內經云。熱病者。皆傷寒之類也。麻黃湯

主之。

此言未衄之前。可用麻黃。非衄後。更用麻黃也。

脈浮者。病在表。可發汗。宜麻黃湯。

此脈浮。必帶緊。

脈浮而數者。可發汗。宜麻黃湯。

數為陽氣欲出。

傷寒。脈浮緊。不發汗。

治失。因致衄者。麻黃湯主之。

前段衄後。而解。則不

必復用麻黃。衄後尚未解。則仍用此湯。

陽明病脈浮無汗而喘者陽明本脈大自汗今乃脈浮發無汗而喘則為麻黃湯症矣汗則愈宜麻黃湯

麻黃杏仁甘草石膏湯二 此即越婢湯加杏仁也

麻黃四兩去節杏仁五十個去皮尖甘草二兩炙石膏半斤碎綿裹右四味

以水七升先煮麻黃減二升去上沫內諸藥煮取二升

去滓溫服一升

發汗後不可更行桂枝湯既汗不可再汗津液不得重傷汗出而喘尚有

在肺故汗出而喘無大熱者邪已輕也可與此湯汗出故用石膏發汗喘故用麻杏

後飲水多者必喘以水灌之亦喘此二句明致喘之所由蓋喘未必皆由於水而

飲水則無有不喘者戒之

下後不可更行桂枝湯既下不可復汗津液不得兩傷若汗出而喘無大

熱者可與此湯

大青龍湯三 此合麻黃桂枝越婢三方為一方而無芍藥

麻黃六兩去節桂枝二兩去皮甘草二兩炙杏仁四十枚去皮尖生姜三兩切

大棗十二枚石膏碎如雞子大一塊右七味以水九升先煮麻黃

減二升去上沫內諸藥煮取三升去滓溫服一升取微

似汗汗出多者溫粉撲之此外治之法論中無溫粉方明理論載白米蘘本川芎白

芷各等分入米粉和勻撲之無蘘本亦得後人用牡蠣麻黃根鉛粉龍骨亦可一服汗者停後

服汗多亡陽遂虛惡風煩燥不得眠也

太陽中風脈浮緊

緊為陰脈故汗不易出

發熱惡寒

非惡風

身疼痛不

汗出而煩燥者

邪深熱鬱

大青龍湯主之若脈微弱汗出惡風

者不可服服之則厥逆筋惕肉瞤此為逆也

惡風乃桂枝症誤服此則

汗不止而有亡陽之象矣立此方即垂此戒聖人之意深矣

按此方合麻桂而用石羔何以發汗如是之烈蓋麻黃湯麻黃用二兩而此用六兩越婢湯石羔用半斤而此

用鷄子大一塊一劑之藥除大棗約共十六兩以今稱計之亦重三兩有餘則發汗之重劑矣雖少加石羔終不足

以相制也少陰篇云脈陰陽俱緊反汗出者亡陽也傷寒脈浮緩身不疼但重乍有輕時無少陰症者大青龍

湯主之

脈不沉緊身有輕時為無少陰外症不厥利吐逆為無少陰裡症此邪氣俱在外也故以大青龍發

其汗。按此條必有誤脈浮緩邪輕易散身不疼外邪已退乍有輕時病未入陰又別無少陰等症此病之最輕者何必投以青龍險峻之劑此必另有主方而誤以大青龍當之者也

小青龍湯

麻黃

去節

芍藥

細辛

乾姜

甘草

桂枝

去皮各三兩

五味子

半斤

半夏

半升湯洗

右八味以水一斗

先煮麻黃減二升去上沫內諸藥煮取三升去滓溫服

一升

若微利者去麻黃加薤花如鷄子大熬令赤色

利屬下焦陰分

不可更發其陽薤花明理論作芫花恐誤本草薤花芫花葉相近而薤花不常用當時已不可得故改用芫

花以其皆有去水之功也若渴者去半夏加栝婁根三兩本草栝婁根主消渴

若噎者噎古作餽論云寒氣相搏則為腸鳴醫乃不知而反飲冷水令汗大出水得寒氣冷必相搏其人即餽按內經無噎字疑即呃逆之輕者去麻黃加附子一枚炮本草附子溫中

若小便不利少腹滿去麻黃加茯苓四兩小便不利而少腹滿則水

不在上而在下若喘者去麻黃加杏仁半升去皮尖杏仁

矣故用茯苓見前按此方專治水氣蓋汗為水類肺為水源邪汗未盡必停於肺胃之間病屬有形非一味發散所能除此方無微不至真神劑也

傷寒表不解發汗未透心下有水氣即未出之汗乾嘔發熱而欬或

渴或痢或噎或小便不利少腹滿或喘者小青龍湯主之

以上皆水停心下現症其每症治法皆在加減中

傷寒心下有水氣欬而微喘發熱不渴凡水停心下者喘而不渴服湯

已即小青龍湯也渴者此寒氣欲解也寒飲欲去小青龍湯主之此倒筆法

即指服湯已三字非謂欲解之後更服小青龍湯也

麻黃附子細辛湯五

麻黃去節二兩細辛二兩附子一枚炮右三味先煮麻黃減二

升去上沫內諸藥煮取三升去滓溫服一升日三服

少陰病始得之反發熱脈沉者此湯主之少陰病三字所該者廣必從少

陰諸現症細細詳審然後反發熱知為少陰之發熱否則何以知其非太陽陽明之發熱耶又必候其脈象之沉然

傷寒類方

麻黃湯

七

後益知其為少陰無疑也。凡審症皆當如此。附子細辛為少陰溫經之藥，夫人知之用麻黃者，以其發熱則邪猶連太陽未盡入陰，猶可引之外達，不用桂枝而用麻黃者，蓋桂枝表裏通用亦能溫裡，故陰經諸藥皆用之。麻黃則專於發表，今欲散少陰始入之邪，非麻黃不可。況已有附子，足以溫少陰之經矣。

麻黃附子甘草湯 六

麻黃

去節 二兩

甘草

二兩

附子

一枚

右三味以水七升先煮

麻黃一兩沸

此當少煮

去上沫內諸藥煮取三升去渣溫服

一升日三服

少陰病得之二三日麻黃附子甘草湯微發汗以二三日無裡症故微發汗也。三陰經惟少陰與太陽為表裏而位最近故猶有汗解之理况二三日而

無裡症則其邪未深入此方較麻黃附子細辛少輕以其無裏症也

葛根湯類三

葛根湯

此即桂枝湯加麻黃三兩葛根四兩

葛根

四兩

麻黃

三兩

芍藥

二兩

生姜

三兩

甘草

二兩

桂枝

二兩

大棗

十二枚

右七味

以水一斗

先煮麻黃葛根

二味主

減二升

去上沫

內諸藥

煮取三升

去渣

溫服一

升

覆取微似汗

不須啜粥

已能發汗矣

餘如桂枝法

將息及

禁忌

太陽病項背強几几無汗惡風葛根湯主之

前桂枝加葛根湯一條其現症

亦同但彼云反汗出故無麻黃此云無汗故加麻黃也。陽明症汗出而惡熱今無汗而惡風則未全人陽明故曰

傷寒類方

葛根湯

七

太陽病。按葛根本草治身大熱大熱乃陽明之症也。以太陽將入陽明之經故加此藥。太陽與陽明合病者必自下利。葛根湯主之。合病全在下利一症上審出蓋風邪入胃則下利矣。

葛根黃芩黃連湯二

葛根 半斤 甘草 二兩 黃芩 三兩 黃連 三兩 右四味以水

八升先煮葛根減二升內諸藥煮取二升去渣分溫再服

太陽病桂枝症桂枝症即太陽傷風之正病也醫反下之大利遂不止邪

陷則利脈促者表未解也促有數意邪猶在外尚未陷入無止時脈促者表未解也三陰而見沉微等象故不用理

中等法喘而汗出者此湯主之因表未解故用葛根因喘汗而利故用芩連之苦以洩之

堅之。芩連甘草為治痢之主藥

葛根加半夏湯三

葛根湯原方加半夏半升洗煎服法同

太陽與陽明合病不下利前條因下利而知太陽陽明合病今既不下利則合病何從而

知必須從兩經本症一對勘但嘔者葛根加半夏湯主

之前條太陽誤下而成利則用芩連治利因其本屬桂枝

乃太陽陽明合病故用葛根湯全方因其但嘔加半夏一味以止嘔隨病立方各有法度

柴胡湯類四

小柴胡湯

柴胡半斤 黃芩

人參

甘草炙

生姜各三兩

半夏半斤

大棗十二枚

右七味以水一斗二升煮取六升

去渣再煎

此又法

取三升溫服一升日三服

此湯除大棗共二十八兩

較今秤亦五兩六錢零。雖分三服。已為重劑。蓋少陽介於兩陽之間。須兼顧三經。故藥不宜輕。去渣再煎者。此方乃和解之劑。再煎則藥性和合。能使經氣相融。不復往來出入。古聖不但用藥之妙。其煎法俱有精義。

若胸中煩而不嘔者去半夏人參

煩不嘔不必用人參 加

括婁實一枚

括婁實除胸痺此小陷胸之法也

若渴者去半夏

半夏能滌痰濕

即能耗津液 加人參生津液 合前成四兩半括婁根四兩治消

若腹中痛者去黃芩苦寒加芍藥三兩除腹痛若脇下痞鞭

去大棗以其能補脾胃加牡蠣四兩別錄云治脇下痞熱若心下悸小便

不利者去黃芩加茯苓四兩便利若不渴外有微熱者

去人參不渴則津液自足加桂枝三兩微熱則邪留太陽溫覆取微似

汗愈若欬者去人參大棗二味與嗽非宜生姜加乾姜故去生姜加五

味子半升乾姜二兩古方治嗽五味乾姜必同用一以散寒邪一以斂正氣從無單用五

味治嗽之法後人不知用必有害况傷熱勞怯火倉與痰涎深入肺藏禾難救療矣。又按小柴胡與桂枝二

方用處極多能深求其義則變化心生矣。論中凡可

通用之方必有加減法

傷寒五六日正當傳少陽之期中風往來寒熱太陽之寒熱寒時

來者寒已而熱熱已而寒也胸脇苦滿胸脇為少陽之位默默不欲飲食木邪

心煩喜嘔木氣上逆或胸中煩而不嘔或渴少陽火邪或腹中痛木

土或脇下痞鞭木氣填鬱或心下悸有痰飲小便不利或不渴蓄

飲身有微熱太陽未盡或欬者肺有留飲此湯主之少陽所現之症甚多柴胡湯所

治之症亦不一加減法具載方末

血弱氣盡腠理開邪氣因入與正氣相搏結於脇下正邪

分爭往來寒熱休作有時默默不欲飲食藏府相連其痛

必下邪高痛下故使嘔也此條申明所以往來寒熱及不欲食下痛上嘔之故皆因正衰

邪入藏府相牽所致則立方之意可推而知矣小柴胡湯主之

服柴胡湯已渴者屬陽明也以法治之此必先見少陽之症故用柴胡湯服

後而渴則轉屬陽明矣

傷寒四五日身熱惡風頸項強此是太陽所同脇下滿此則少陽所獨手

足溫而渴者前條之渴者屬陽明此因脇下滿則雖似陽明不作陽明治矣小柴胡湯主

之

傷寒陽脈濇陰脈弦法當腹中急痛先與小建中湯不差

者與小柴胡湯主之詳見桂枝類中

傷寒中風有柴胡症但見一証便是不必悉具少陽與太陽陽明相

為出入一証可據雖有他証可兼治矣

凡柴胡湯病証而下之誤治若柴胡証不罷者復與柴胡湯

凡誤治而本証未罷仍用本証之方他經盡同不獨柴胡証也必蒸蒸而振却發熱汗出

而解邪已陷下故必振動而後能達於外辨脈法篇云戰

出

傷寒十三日不解過經二候胸脇滿而嘔此少陽的症日晡所發潮

熱此似陽明已而微利又現裡症藥亂則症亦亂此本柴胡症下之而不得

利今反利者知醫以丸藥下之非其治也以湯劑利之不

之是謂潮熱者實也先宜小柴胡湯以解外雖潮熱本屬少陽之邪故

仍以柴胡解外後以柴胡加芒硝主之解在後加芒硝湯下

傷寒五六日頭汗出微惡寒手足冷心下滿口不欲食大

便鞭脈細者此為陽微結陽氣不能隨經而散故鬱結不舒非藥誤即遷延所致亦壞症

之輕者必有表復有裡也以上諸症有表有裡脈沉亦在裡

也脈細者必沉汗出為陽微以汗為微假令純陰結不得復有外証

無汗此為半在裡半在表也脈沉為裡脈雖沉緊細即有

不得為少陰病所以然者陰不得有汗此為要訣今頭汗出故

知非少陰也可與小柴胡湯設不了了者得尿而解得湯而不

了了者以有裏症故大便鞭必通其大便而後其病可愈其通便之法即加芒硝及大柴胡等方是也

陽明病發潮熱大便溏小便自可胸脇滿而不去者小柴

胡湯主之陽明潮熱乃當下之症因大便小便自可則裡症未具又胸脇嘗滿則邪留少陽無疑用此湯

和解之

陽明病脇下鞭滿少陽症不大便下而嘔亦少陽症舌上白胎者

邪未結於陽明故舌胎白雖不大便不可下此要訣也

液得下胃氣因和身濺然汗出而解也此四句申明小柴胡之功効如此所

以諸症得之皆愈也按少陽之外為太陽裡為陽明而

見少陽一症即可用小柴胡湯必能兩顧得效仲景所以獨重此方也

陽明中風脈弦浮大此少陽浮大屬陽明而短氣腹都滿脇下及

心痛此少陽症久按之氣不通鼻乾不得汗嗜臥此症又似少陰一身

面目悉黃小便難此二症又似太陰有潮熱此似陽明耳前後腫刺之

小差外不解病過十日脈續浮者與小柴胡湯脈浮雖有裏症邪仍

欲外出脈但浮無餘症者與麻黃湯但浮無餘症則裏症全無必從汗解故用麻黃

湯此二條明陽明中風之症有裏邪用小柴胡若不尿

無裏邪則用麻黃總以脈症為憑無一定法也若陽明病不能食攻

膀胱氣絕腹滿加噦者不治論中陽明篇云然者胃中虛冷故

也虛冷二字尤明蓋陽微欲盡也又云大吐大下汗出悒鬱復與之水以發其汗因得噦靈樞云真邪相攻氣并相逆故為噦即呃逆也素問云病深者其聲噦乃肺胃之氣隔絕所致兼以腹滿故不治

本太陽病不解轉入少陽者此為傳經之邪也脇下鞭滿乾嘔不

能食往來寒熱以上皆少陽本症尚未吐下脈沉緊者未吐下不

少陽已漸入裡故不浮而沉緊則弦之甚者亦少陽本脈與小柴胡湯

嘔而發熱者小柴胡湯主之但發熱而非往來寒熱則與太陽陽明同惟嘔則少陽所

獨故亦用此湯

太陽病十日以去脈浮細而嗜臥者外已解也設胸滿脇

痛者與小柴胡湯脈但浮者與麻黃湯解見麻黃湯

傷寒差以後更發熱者小柴胡主之此復症也非勞復非

復病治法明著於此後世議論不一皆非正治脈浮者以

汗解之脉沉實者以下解之復症之中更當考此二脈如
用汗法如脈見沉實則裏邪未盡當用下法但汗下不著
方名者因汗下之法不一醫者於麻黃桂枝及承氣大柴
胡等方對症之輕重擇而用之則無不中病矣

婦人中風七八日續得寒熱發作有時此即下文所謂如瘧也經水

適斷者此為熱入血室其血必結血因熱結而成瘀矣故使如瘧狀

發作有時小柴胡湯主之即以治瘧之法治之

又云婦人中風發熱惡寒經水適來彼云斷此云來得之七八日

熱除而脉遲身涼外邪內伏胸脇下滿如結胸狀讖語者此為

熱入血室也血室為中焦營氣之所聚肝藏血心主血營血結滯則肝氣與心經之氣亦凝故脇滿而

神昏讖語當刺期門隨其實而瀉之期門在乳下第二肋端去乳頭約四寸肝募也厥陰

陰維之會刺入四分血結則為有形之症湯劑一時難效刺期門以瀉厥陰有餘之熱則尤親切而易散

又云婦人傷寒發熱經水適來晝日明了暮則讖語如見

鬼狀者此為熱入血室晝清而夜昏者血室無犯胃氣及

上二焦必自愈此為中焦營氣之疾汗下二法皆非所宜小柴胡湯刺期門則其治也按熱入血

室之狀此二條為最詳婦人傷寒此症最多前條症稍輕後二條症尤重男子亦有之

大柴胡湯小柴胡去人參甘草加枳實芍藥大黃乃少陽陽明合治之方也

柴胡半斤半夏半斤黃芩三兩芍藥三兩生姜五兩

枳實四枚大棗十二枚右七味以水一斗二升煮取六升

再煎取三升温服一升日三服

此方本有大黃二兩王叔和云若不加大黃恐不為大

柴胡也

太陽病過經十餘日反二三下之一誤再誤後二三日柴胡症

仍在者如寒熱嘔逆之類先與小柴胡湯嘔不止心下急鬱鬱微

煩者猶有裏症為未解也與大柴胡湯下之則愈前雖已下非下法也以大

柴胡兩解之

傷寒十餘日熱結在裏此大黃之對症復往來寒熱此柴胡之對症與大

柴胡湯

傷寒發熱汗出不解當用柴胡心中痞鞭嘔吐而下痢者邪內陷故

用枳實半夏大黃此湯主之

傷寒後後者過經之後諸症漸輕而未全愈也脈沉沉者內實也沉為在裏下解

之宜大柴胡湯

柴胡桂枝湯此小柴胡與桂枝湯併為一方乃少陽太陽合病之方

柴胡四兩黃芩二兩人參二兩桂枝二兩芍藥二兩

生姜各半兩半夏二合甘草一兩大棗六枚右九味水七

升煮取三升去渣温服一升

傷寒六七日發熱微惡寒支節疼煩以上太陽症微嘔心下支

傷寒類方

柴胡湯

三

結以上少外症未去者太陽症柴胡桂枝湯主之

發汗多亡陽譫語者此亡陽之輕者也不可下勿誤以為有燥屎之譫語故以為戒

與柴胡桂枝湯和其營衛以通津液後自愈桂枝湯和營衛柴胡湯通

津液深著二湯合用之功效而陽亡可復矣

柴胡加龍骨牡蠣湯四

柴胡 龍骨 生姜 人參 茯苓

鉛丹 黃芩 牡蠣 桂枝各一兩半半夏二合

大棗六枚 大黃二兩 右十二味以水八升煮取四升內

大黃更煮一二沸大黃只煮一二沸取其生而流利也去滓溫服一升

傷寒八九日下之即陷胸滿柴胡黃芩煩驚龍骨鉛丹牡蠣小便不利

茯苓譫語大一身盡重不能轉側者茯苓此湯主之此乃正氣虛耗邪已

人裏而復外擾三陽故現症錯雜藥亦隨症施治真神化無方者也。按此方能下肝胆之驚痰以之治癰瘡必效

柴胡桂枝乾姜湯五

柴胡半斤 桂枝三兩 黃芩三兩 乾姜 牡蠣熱

甘草各二兩 括婁根四兩 右七味以水一斗二升煮取六

升去渣再煎取三升溫服一升日三服初服微煩復服

汗出便愈邪氣已深一時不能即出如蒸蒸而振發熱汗出而解之類

傷寒五六日已發汗而復下之一誤胸脇滿用牡蠣微結小

便不利渴以上皆少陽症而不嘔故去半夏但頭汗出陽氣上越

用牡蠣往來寒熱用柴心下煩者黃芩此為未解也柴胡桂

枝乾姜湯主之

柴胡加芒硝湯六柴胡湯原方加芒硝分兩各不同

柴胡二兩十銖黃芩六銖甘草炙人參各一兩生姜各一兩

半夏二十枚大棗四枚芒硝二兩右八味以水四升煮取

二升去渣內芒硝更煮微沸分溫再服不解更作不大

便也此藥劑之最輕者以今秤計之約二兩分二服則一服止一兩耳按大柴胡湯加大黃枳實乃合用承氣也皆少陽陽明同治之方

傷寒十三日不解胸脇滿而嘔日晡所發潮熱已而微利

此本柴胡証下之而不得利今反利者知醫以丸藥下之

非其治也潮熱者實也先宜小柴胡湯以解外後以柴胡

加芒硝湯主之本草芒硝治六府積聚因其利而復下之所謂通因通用之法也潮熱而利則邪不

停結故較之大柴胡症用藥稍輕

故必吐而出之反覆顛倒心中懊憹摩寫病狀何等詳切凡醫者之於病人必事事體貼如若身受之而後用藥無誤

發汗若下之而煩熱胸中窒者煩熱且窒較前虛煩等象為稍實梔子豉湯主之

湯主之

傷寒五六日大下之後治誤身熱不去心中結痛者未欲解

也外內之邪俱未解梔子豉湯主之按胸中窒結痛何以不用小陷胸蓋小陷

胸症乃心下痛胸中在心上故不得用陷胸何以不用瀉心諸法蓋瀉心症乃心下痞痞為無形痛為有象故不得用瀉心古人治病非但內外不失厘毫即上下亦不踰分寸也

陽明病脈浮而緊咽燥口苦胸滿而喘發熱汗出不惡寒

反惡熱身重以上皆陽明本症非因誤治而得者若發汗則躁心憤憤反讖

語汗多若加燒針必怵惕煩燥不得眠即前以火逼汗亡陽驚狂之意若

下之則胃中空虛客氣動膈心中懊憹以前因用三法未各有現

症如此吐舌上胎者此句乃要訣舌上有白胎則胸中有物而可用吐法否則邪尚未結恐無物可

也梔子豉湯主之

陽明病下之其外有熱表邪未盡手足溫不結胸無實邪心中懊

憹痰涎停結不能食欲洩不洩但頭汗出陽邪在上梔子豉湯主之

下利後更煩按之心下濡者非窒非痛也為虛煩也宜梔子豉

湯

梔子甘草豉湯二

梔子湯原方加甘草二兩炙右三味以水四升先煮梔子甘草取二升半內豉煮取升半分二服溫進一服得吐便止

梔子生姜豉湯三

梔子湯原方加生姜五兩先煮梔子生姜餘俱如前法得吐止後服

凡用梔子湯病人舊微溏者不可與服之此服梔子湯之戒。按梔子湯之越上焦之火與腸胃亦無大害微溏者即不可服未若少知何義想因大腸之氣滑脫者肺氣不宜更洩也

氣者梔子甘草豉湯主之甘草能補中氣若嘔者梔子生姜豉湯

主之此二條言凡遇當用梔子湯之病見此二症則加此吐吐之而嘔反止按無物為嘔有物為吐欲止其嘔反令其真匪夷所思也

梔子乾姜湯四

梔子十四枚乾姜二兩右二味以水三升半煮取一升半

去滓分二服溫進一服得吐止後服

傷寒醫以丸藥大下之下未必誤以丸藥大下則誤矣身熱不去外有微

煩下後而煩即虛煩也此湯主之下後故用乾姜

梔子厚朴枳實湯五

傷寒類方

梔子

十四枚

厚朴

四兩

枳實

四枚

水浸

煮服法同前

傷寒下後心煩

即微煩

腹滿臥起不安者

煩而加之腹滿則

臥起俱不寧矣厚

朴枳實以

治腹滿也

梔子厚朴湯主之

梔子櫟皮湯

六

梔子

十五枚

甘草

一兩

黃櫟

二兩

右三味以水四升煮取

升半去滓分溫再服

傷寒身黃發熱者梔子櫟皮湯主之

本草櫟皮散藏

枳實梔子鼓湯

七

枳實

二枚

梔子

十四枚

鼓

一升

右三味以清漿水七升空

煮

又一煮法漿水即淘米之泔水久貯味酸為佳

取四升內枳實梔子煮取二

升下鼓更煮五六沸去渣分溫再服覆令微似汗

此不取吐而取汗

大病差後勞復者

勞復乃病後之餘症不在吐法故取微汗

枳實梔子湯主之

勞復因病後氣虛邪氣又結於上焦其症不一故不著其病形惟散其上焦之邪足矣後人以峻補之劑治勞復則病變百出矣

若有宿食者加大黃如博棋子大五六枚

此指勞復之有宿食者治食復之法亦在其中矣可吐篇云宿食在上

脘當吐之按梔子湯加減七方既不注定何經亦不專治何誤總由汗吐下之後正氣已虛尚有痰涎滯氣凝結

上焦非汗下之所能除經所云在上者因而越之則不動經氣而正不重傷此為最便乃不易之法也古方梔子皆生用故入口即吐後人作湯以梔子炒黑不復作吐全失

傷寒類方

梔子湯

三

瀉則氣血已枯矣然弦者尚可有生微者但發熱潮熱讖語

者惡症皆無大承氣湯主之若一服利止後服中病即止

陽明病讖語有潮熱反不能食者客熱不能消穀胃中必有燥屎

五六枚若能食者但鞭爾能食非真欲食不過粥飲猶可入口耳不能食則穀氣全不可

近腸胃實極故也宜大承氣湯下之鞭即可下按燥屎當在腸中今云胃中何也蓋邪氣結

成糟粕未下則在胃中欲下則在腸中已續者即謂之燥屎言胃則腸已該矣

汗出讖語者以有燥屎在胃中此為風也陽明本自汗出然亦有不汗出

者此指明汗出之為風則知汗出乃表邪尚在不汗出者為火邪內結也須下之過經乃可下

之此下之時下之若早語言必亂輕於讖語以表虛裡實故也早

則引表邪入裡故表虛而裡實下之則愈宜大承氣湯雖已誤下然見讖語等症則更下之

亦不因誤下而遂不復下也

二陽併病同起者為合病一經未罷一經又病者為併病太陽症罷但發潮熱手

足熱熱汗出大便難而讖語者以上皆陽明現症下之則愈宜大

承氣湯

陽明病下之心中懊憹而煩此乃下之未盡故有此實煩胃中有燥屎

者可攻胃中燥屎必別有現症腹微滿初頭鞭後必溏不可下也僅微

滿則無燥屎故不可攻若有燥屎者宜大承氣湯

病人煩熱汗出則解又如瘧狀日晡所發熱者屬陽明也

脉實者宜下之脈虛浮者宜發汗下之與大承氣湯發汗
宜桂枝湯詳解前桂枝湯下

大下後六七日不大便煩不解腹滿痛者此有燥屎也所
以然者本有宿食故也惟有宿食故雖大下而燥屎終未盡宜大承氣湯

病人不大便五六日繞臍痛正在燥屎之位煩燥發作有時者此

有燥屎故令不大便也

病人小便不利大便乍難乍易時有微熱喘冒不能臥者

有燥屎也喘冒不臥燥屎現症宜大便有難無易所以乍易者以小便利之故燥屎不以易便而去也

宜大承氣湯以上三條皆証明有燥屎之法

得病二三日脈弱無太陽柴胡症煩燥心下鞭邪熱入裡至四

五日又隔二日雖能食以小承氣湯少少與微和之不必用全方祇通其

胃氣而已又用藥之一法令小安至六日又隔一日而病未除與大承氣湯一升

亦不必用全方古人用藥雖現症鑿鑿而輕方小試敬慎小心如此若不大便六七日小便

少者雖不能食但初頭鞭後必溏未定成鞭小便不利則水穀未盡分

大便猶濕也攻之必溏須小便利尿定鞭乃可攻之以小便利之利否定宜

下不宜下又一法宜大承氣湯

傷寒六七日目中不了了睛不和皆陽盛之象無表裏症邪已結在

裏大便難身微熱者此為實也邪結為實急下之宜大承氣湯

陽明病此三字包陽明諸症發熱汗多者急下之此重在汗多恐內熱甚而逼陽於外

以致亡陽也宜大承氣湯

發汗不解腹滿痛者不解二字必兼有陽明症加以腹滿且痛則實邪有徵矣急下之

宜大承氣湯

腹滿不減減不足言雖畧減而仍腹滿也當下之宜大承氣湯以上諸條

舉當下之一二症即用法然亦必須參觀他症而後定為妥

陽明少陽合病必下痢其脈不負者順也負者失也少陽屬木

脈當弦緊陽明屬土脈當洪緩若少陽脈勝為不負也厥陰篇云少陰負跌陽者為順也少陰屬水跌陽屬土土能勝水則胃氣尚強故為順即此意但彼處乃手足厥冷之利故屬少陰此則屬少陽為異耳互

相尅賊名為負也脈滑而數者有宿食也滑數則陽明之脈獨見而過盛

此為實邪故知有宿食當下之宜此湯

寸口脈浮而大按之反澁尺中亦微而澁有食而反微澁此氣結不通之

故故知有宿食當下之宜大承氣湯

少陰病得之二三日陽邪初轉入陰口燥舌乾者急下之陽邪傳陰腎水

欲涸故當急去其邪以保津液宜大承氣湯

少陰病自利清水色純青純青則非寒邪乃肝邪入腎也難經云從前來者為實邪心

下必痛口乾燥者二症尤見非寒邪急下之宜大承氣湯二條俱重口乾

知為熱邪無疑

少陰病六七日腹脹不大便者急下之不便而脹為日宜又久是以當下

大承氣湯

下利三部脈皆平無外邪症按之心下鞭者實邪有形急下之宜大承氣湯

承氣湯

下利脈遲而滑者內實也利未欲止當下之宜大承氣湯

下利不欲食者以有宿食故也傷食惡食凡禁口利亦必因宿食之故當須

下之宜大承氣湯

下利差後至其年月日復發者以病不盡故也當下之宜

大承氣湯

下利脈反滑當有所去脈滑則實邪不留下之乃愈宜大承氣湯

病腹中滿痛者此為實也當下之宜大承氣湯

脈雙弦而遲者必心下鞭木邪乘土脈大而緊者陽中有陰也

大為陽緊為陰不入六經可以下之宜大承氣湯按以上七條見傷寒論可下法

治法中

小承氣湯

大承氣去芒硝厚朴枳實亦減

大黃四兩厚朴二兩枳實三枚右三味以水四升煮取

一升二合去渣分溫二服初服湯當更衣不爾者盡飲

之若更衣勿服

陽明病脈遲雖汗出不惡寒者凡汗出者皆惡寒其身必重短氣

腹滿而喘有潮熱者以上皆內實之症此外欲解不惡寒可攻裡也

手足濇然汗出者此大便已鞭也四支為諸陽之本濇然汗出陽氣已盛於土中矣以此驗大便之鞭又一法

未解也其熱未潮未可與承氣湯若腹大滿不通者可與

小承氣湯微和胃氣勿令大泄下腹滿不通雖外未解亦可用小承氣此方乃和胃之品非大下之峻劑故也

陽明病潮熱大便微鞭者可與大承氣湯不鞭者不可與

之潮熱而便不鞭亦禁下若不大便六七日恐有燥屎欲知之法少

與小承氣湯入腹中轉失氣者此有燥屎也此以藥探之又一法乃

可攻之若不轉失氣者此但初頭鞭後必溏不可攻之攻

之必脹滿不能食也邪氣因正虛而陷入欲飲水者與水則噦寒熱相爭

噦其後發熱者必大便復鞭而少也重傷津液以小承氣湯和

之仍用小承氣以大便鞭故也不轉失氣者慎不可攻也又再申前戒聖人之慎下

此如

陽明病其人多汗以津液外出胃中燥大便必鞭鞭則讖

語讖語由便鞭便鞭由胃燥胃燥由汗出津液少層層相因病情顯著小承氣湯主之若一

服讖語止更莫復服

陽明病讖語發潮熱脈滑而疾者小承氣主之因滑疾則易下故止

用小承氣因與小承氣湯一升腹中轉失氣者更服一升若不

轉失氣勿更與之明日不大便脈反微濇者裡虛也為難

治攻之不應是為難治不可更與承氣也

太陽病若吐若下若發汗後治過微煩小便數大便因鞭者

因字當着眼大便之鞭由小便數之所致蓋吐下汗已傷津液而又小便太多故爾微鞭非實邪也小承氣

湯和之愈

下利讖語者有燥屎也利而仍讖語邪火不因利而息則必有燥屎蓋燥屎不因下利而去

也後醫見利則不復下豈知燥屎之不能自出乎

調胃承氣湯三

大黃四兩去皮清酒洗甘草二兩炙芒硝半升右三味以水三升

先煮大黃甘草取一升去滓內芒硝更上火微煮令沸

少少溫服之按芒硝善解結熱之邪大承氣用之解已結之熱邪此方用之以解將結之熱邪其

能調胃則全賴甘草也

傷寒脈浮自汗出小便數心煩微惡寒脚攣急反與桂枝

湯攻其表此誤也得之便厥咽中乾煩燥吐逆者作甘草

乾姜湯與之以復其陽若厥愈足溫者更作芍藥甘草湯

與之其脚即伸若胃氣不和讖語者少與調胃承氣湯陰陽

錯雜之症多方以救之必有餘邪在胃故少與以和之餘詳雜方條

發汗後惡寒者虛故也不惡寒但熱者實也當和胃氣與

調胃承氣湯此必發汗後無他症但現微寒微熱故止作虛實觀否則安知非更有餘邪將復變他症耶

太陽病未解脈陰陽俱停脈法無停字疑似沉滯不起即下微字之義寸為陽尺為陰

先振慄汗出乃解陰陽爭而復和但陽脈微者先汗出而解當發其陽

但陰脈微者下之而解當和其陰若欲下之宜調胃承氣湯此按

微字即上停字之意與微弱不同微弱則不當復汗下也

傷寒十三日不解二過經讖語者以有熱也當以湯下之

如大小承氣之類若小便利者大便當鞭而反下利脈調和者此

下後知醫以丸藥下之非其治也下非誤下之法誤若自下利者

脈當微厥今反和者知為內實也調胃承氣湯主之當下而非其法餘邪未盡仍宜更下

太陽病過經十餘日心下溫溫欲吐而胸中痛大便反溇

腹微滿鬱鬱微煩以上皆類少陽症先其時自極吐下者邪氣乘虛陷入

與調胃承氣湯以滌胃邪若不爾者不可與未經吐下則邪在半表半裡不得用

法但欲嘔胸中痛微溇者此非柴胡症以嘔故知極吐下

也此段疑有誤字

陽明病不吐不下心煩者未經吐下而心煩中氣實也可與調胃承氣湯

太陽病三日發汗不解蒸蒸發熱者屬胃也外邪已解內熱未清此湯主之

傷寒吐後腹脹滿者已吐而胃中仍滿則非上越所能愈復當下行矣與調胃承氣湯

桃核承氣湯四

桃仁五十個 去皮尖 大黃四兩 甘草二兩 桂枝二兩 芒硝二兩
右五味以水七升煮取二升半去滓內芒硝更上火微

沸下火先令溫服五合日三服當微利微利則僅通大便不必定下血也

太陽病不解熱結膀胱太陽之邪由經入腑其人如狂血自下者

按疫中或有因氣逆血下者或有下之甚早虛氣上衝血下者其證候粗相類但少腹不急結今以桃核承氣攻之則其害甚甚與少腹急結之狀可無誤之漫游推記
其外不解者尚未可攻外不解而攻之則邪反陷入矣當先解外宜桂枝湯桂枝湯四字從金匱增入

抵當湯五

水蛭熬 蠪蟲去翅足熬各三十六個 大黃三兩 酒浸 桃仁去皮尖 二十個 右

承氣湯

承氣湯

是

四味以水五升煮取三升去渣温服一升不下再服

太陽病六七日經過表症仍在脈微而沉向裡反不結胸下其

人發狂者以熱在下焦少腹當鞭滿外症小便自利者內症下

血乃愈所以然者以太陽隨經瘀血在裡故也抵當湯主

之此亦熱結膀胱之症前桃核承氣乃治瘀血將結之時抵當乃治瘀血已結之後也

太陽病身黃脈沉結少腹鞭小便不利者為無血也以上皆似

血症諦因小便不利安知非濕熱不行之故不可斷為有血也小便自利其人如狂者血

症諦也並無濕熱而如狂非蓄血抵當湯主之

陽明症其人喜忘者必有蓄血心主血血凝則心氣結而失其官矣蓄不甚故不狂

所以然者本有久瘀血故令喜忘此乃舊病非傷寒時所得者屎雖鞭

大便反易血性滑利其色必黑浮血亦有隨便而下者宜抵當湯下之

病人無表裡症發熱七八日經過雖脈浮數者可下之脈雖浮數

而無表裡症則其發熱竟屬裡實矣七八日故可下假令已下脈數不解合熱則消

穀善飢脈數不解邪本不在大便也消穀善飢至六七日蓄血

更不大便者有瘀血也宜抵當湯其脈數不解而下不止

必協熱而便膿血也此指服湯後之變症熱邪不因下而

便膿血之症又當別有治法按瘀血又有但欲漱水不欲嚥之症蓋唇口乾燥而腹中不能容水也

抵當丸 六

傷寒類方

水蛭熬

蝨蟲去翅足熬

大黃三兩酒洗桃仁三十五個去皮尖右

四味搗分為四丸以水一升煮一丸取七合服時當

下血不下更服時一周

傷寒有熱少腹滿應小便不利今反利者為有血也當下

之不可餘藥宜抵當丸熱而少腹滿又小便不利必兼三

須緩下其血用丸使之徐下

十棗湯七

芫花熬

甘遂

大戟等分

大棗十枚

右三味各別

搗為散以水一升半先煮大棗肥者取八合去滓內藥

未強人服一錢七羸人服半錢得快下利後糜粥自養

平旦溫服若下少病不除者明日更服

太陽中風下利嘔逆表解者乃可攻之其人絜絜汗出發

作有時頭痛心下痞鞭滿引脇下痛水停也乾嘔短氣汗出

不惡寒者此表解裡未和也不惡寒為表解以上諸症皆

不特傷寒為然也十棗湯主之服此湯以下蓄飲

大陷胸湯八

大黃六兩去皮

芒硝一升

甘遂一錢

右三味以水六升先煮

大黃取二升去滓內芒硝煮一兩沸內甘遂末溫服一

傷寒類方

承氣湯

湯

升得快利止後服

太陽病脈浮而動數浮則為風數則為熱動則為痛數則

為虛頭痛發熱微盜汗出而反惡寒者表未解也醫反下

之經云病發於陽而反下動數變遲正氣膈內拒痛胃中

空虛客氣動膈短氣煩燥心中懊懣陽氣內陷心下因鞭

則為結胸此段明所以致結胸之由及結胸之狀最詳乃

入也此症與承氣法迥殊若不結胸但頭汗出餘處無汗劑頸而還小

便不利身必發黃也此乃誤下而邪氣不陷入上焦反傷

寒六七日結胸熱實脈沉而緊心下痛按之石鞭者此段

宋有大陷胸湯
主之云字

胸之象
尤明 大陷胸湯主之

傷寒十餘日經過熱結在裡復往來寒熱者與大柴胡湯但

結胸無大熱者此為水結在胸脇也結胸本無他物但頭

汗出者熱結大陷胸湯主之

太陽病重發汗而復下之不大便五六日古上燥而渴有

蓄飲曰晡所小有潮熱從心上至少腹鞭滿而痛不可近者

已汗下而大痛如此知非有物之實邪矣前云膈內拒痛

又云心下石鞭專指上焦說此云從心上至少腹鞭滿痛

則上下皆痛其根總由心上至少腹鞭滿痛

上而起與承氣症自殊 大陷胸湯主之

承氣湯

上作下

宋汗上有微字

柴胡証仍在者復與柴胡湯此雖已下之不為逆必蒸蒸而振却發熱汗出而解邪向裡而更虛故汗出為難若心下滿而鞭痛者此湯主之

大陷胸丸九

大黃半斤

葶歷子熬

芒硝

杏仁各半升去皮尖熬黑右四

味搗篩二味內杏仁芒硝合研如脂和散取如彈丸一枚別搗甘遂末一錢七白蜜二合水二升煮取一升溫頓服之一宿乃下如不下更服取下為效病發於陽而反下之熱入因作結胸病發於陰而反下之

熱入因作痞

此明所以致結胸與痞之故發熱惡寒之症則熱入於陰位而作痞故治結胸用寒劑治痞用溫劑也所以成結胸者以下之太早

故也

二病未嘗不可下但各有其時不可過早耳

結胸者項亦強如柔痙狀此陷胸之外症下之則和宜大陷胸丸

小陷胸湯十

黃連一兩

半夏半升湯洗

栝婁實一枚

右三味以水六升先

煮栝婁取三升去渣內諸藥煮二升去渣分溫三服一服未和再服微解下黃涎便安也按大承氣所下者燥屎大陷胸所下者蓄水此所下者為黃涎者輕於蓄水而未成水者也審病之精用藥之切如此

小結胸病正在心下按之則痛上不至心下不及少腹必按之方痛非不可近手與

大陷胸脈浮滑者不若大陷胸症之沉小陷胸湯主之

白散十一

桔梗

貝母

各三分古法二分

巴豆

一分去皮心熬黑研如脂右三

味為散內巴豆更於臼中杵之以白飲和服強人服半

錢七

今秤約重三分

羸者減之病在膈上必吐在膈下必利不

利進熱粥一盃利過不止進冷粥一盃巴豆得熱則身

熱皮粟不解

畏冷起寒粟

欲引衣自覆者若以水濕之洗之

益令熱却不得出當汗而不汗則煩假令汗出已腹中

痛與芍藥三兩如上法

寒實結胸

結胸皆係熱陷之症此云寒實乃水氣寒冷所結之痰飲也

無熱症者與三

物小陷胸湯白散亦可用

按活人書云與三物白散無小陷胸湯亦可用七字蓋小陷胸

寒劑非無熱之所宜也

麻仁丸

十二

即小承氣加芍藥二仁也

麻子仁

二升

芍藥

枳實

各半

大黃

厚朴

杏仁

各一升去皮尖熬別研作脂

右六味為末煉蜜和丸如梧桐子

大飲服十丸漸加以知為度

跌陽脈浮而濡浮則胃氣強

盛陽

濡則小便數

陰不足

浮濡相

搏大便則難其脾為約此即論中所云太陽陽明者脾約是也麻仁丸主之

太陽正傳陽明不復再傳故可以緩法治之

瀉心湯類七

生姜瀉心湯

生姜四兩 甘草炙 人參 黃芩各三兩 半夏半升

黃連 乾姜各一兩 大棗十二枚 右八味以水一斗煮取

六升去渣煎取三升溫服一升日三服

傷寒汗出解之後胃中不和心下痞鞭乾噫食臭脇下有

水氣腹中雷鳴下利者生姜瀉心湯主之汗後而邪未盡必有留飲在心

下其症甚雜而方中諸藥一對症內中又有一藥治兩症者亦有兩藥合治一症者錯綜變化攻補兼施寒熱互用皆本內經立方諸法其藥性又有與神農本草所載無處不合學者能於此等方講求其理而推廣之則操縱在

我矣。凡瀉心諸法皆已汗已下已吐之餘疾

甘草瀉心湯

即生姜瀉心湯去人參 生姜加甘草一兩

甘草 四兩 炙 黃芩

乾姜 各三兩 半夏 半升 黃連 一兩

大棗 十二枚 右六味以水一斗煮取六升去渣再煎取三

升溫服一升日三服

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非熱結但以胃中虛 兩次誤下故用甘草以補胃而痞自除俗醫以甘草滿中為痞 客氣上逆故使鞭也 嘔禁用之藥蓋不知虛實之義者也

甘草瀉心湯主之

半夏瀉心湯

半夏 半升 黃芩 乾姜 甘草 炙 人參 各三兩

黃連 一兩 大棗 十二枚 右七味以水一斗煮取六升去渣

再煎取三升溫服一升日三服

傷寒五六日嘔而發熱者柴胡湯症具而以他藥下之柴胡証仍在者復與柴胡湯此雖已下之不為逆必蒸蒸而振却發熱汗出而解 本症仍在則即用本方治之 若心滿而不痛者此為痞 又指不痛二字痞症尤的 柴胡不中與之宜半夏瀉心湯 以上三瀉心之

傷寒類方

藥大半皆本於柴胡湯。故其所治之症多與柴胡症相同而加治虛治痞之藥耳。

大黃黃連瀉心湯四

大黃二兩黃連一兩右二味以麻沸湯二升漬之。須臾

絞去渣分溫再服。此又法之最奇者。不取煎而取泡。欲其輕揚清。淡以滌上焦之邪。

脈浮而緊而復下之緊反入裡則作痞。緊脈為陰。此所謂病發於陰下之作

痞是也。按之自濡但氣痞耳。并無脇下之水。心下痞按之濡其關上

浮者邪氣甚高大黃黃連瀉心湯主之。

傷寒大下後復發汗。再誤心下痞惡寒者表未解也不可攻

痞當先解表。表解乃可攻痞。解表宜桂枝湯。攻痞宜此湯。

詳見前桂枝類中

附子瀉心湯五

大黃二兩酒浸黃連炒黃芩炒附子一枚右四味

切三味以麻沸湯二升漬之。須臾絞去渣內附子汁分

溫再服。此法更精。附子用煎三味用泡扶陽欲其熱而性重。開痞欲其生而性輕也。

心下痞而復惡寒汗出者附子瀉心湯主之。此條不過二語而妙理無窮。前

條發汗之後惡寒則用桂枝。此條汗出惡寒則用附子。蓋發汗之後汗已止而猶惡寒乃表邪未盡。故先用桂枝以去表邪。此惡寒而仍汗出則亡陽在即。故加入附子以回陽氣。又彼先後分二方。此併一方者何也。蓋彼有表復有裡。此則祇有裡病。故有分有合也。

傷寒類方

瀉心湯

五

黃連湯 六 卽半夏瀉心湯 去黃芩加桂枝

黃連 甘草 炙 乾姜 桂枝 去皮各三兩 人參 二兩

半夏 半升 大棗 十二枚 右七味以水一斗煮取六升去渣

溫服一升日三夜二服 治上焦之病故服藥宜少而數

傷寒胸中有熱胃中有邪氣腹中痛欲嘔吐者黃連湯主

之 諸瀉心之法皆治心胃之間寒熱不調全屬裡症此方以黃芩易桂枝去瀉心之名而曰黃連湯乃表邪尙有一分未盡胃中邪氣尙當外達故加桂枝一味以和表裡則意無不到矣

黃芩湯 七

黃芩 三兩 甘草 炙 芍藥 各二兩 大棗 十二枚 右四味以水

一斗煮取三升去渣溫服一升日再夜一服

黃芩加半夏生姜湯 八

黃芩 三兩 甘草 炙 芍藥 各二兩 半夏 半升 生姜 三兩

大棗 十二枚 右六味以水一斗煮取三升去渣溫服一升

日再夜一服

太陽與少陽合病自下利者與黃芩湯若嘔者黃芩加半

夏生姜湯主之 下利卽專於治利不雜以風寒表藥此亦急當救裡之義若嘔亦卽兼以止嘔之藥

總之見症施治服藥後而本症愈復見他症則仍見症施治可推而知也

乾姜黃連黃芩人參湯 九

傷寒類方

瀉心湯

色

乾姜 黃連 黃芩 人參各三兩 右四味以水

六升煮取二升去渣分溫再服

傷寒本自寒下本症醫復吐下之治誤寒格更逆吐下若食入

口即吐乾姜黃連黃芩人參湯主之此屬厥陰條寒格自

連因誤治而虛其正氣則用人參分途而治無所不包又各不相礙古方之所以入化也

旋復代赭湯十

旋復花三兩 人參二兩 生姜五兩 甘草三兩 半夏半升

代赭石一兩 大棗十二枚 右七味以水一斗煮取六升去

渣再煎取三升溫服一升日三服

傷寒發汗若吐若下解後病久治多未心下痞鞭噫氣不

除靈樞口問篇云寒氣客於胃厥逆從下上散復出於胃故為噫俗名噎氣皆陰陽不和於中之故旋復

代赭湯主之此乃病已向愈中有留邪在於心胃之間與

脇下滿代赭治腹中邪毒氣加此二物以治噫餘則散痞補虛之法也

厚朴 生姜 甘草 半夏 人參湯十一

厚朴半筋炙 生姜 半夏各半 甘草二兩 人參一兩

右五味以水一斗煮取三升去滓溫服一升日三服

發汗後腹脹滿者此湯主之發汗後則邪氣已去而猶腹

除脹滿餘則補虛助胃也

白虎湯類八

白虎湯

知母 六兩

石膏 一斤

甘草 二兩

粳米 六合

右四味以水

一斗煮米熟湯成

火候

去滓温服一升日三服

傷寒脈浮滑此表有熱裏有寒

此寒熱二字必倒誤乃表有寒裏有熱也觀下條脈

滑而厥者裡有熱也鑿鑿可証活人書作表裏有熱亦未穩

白虎湯主之

傷寒脈滑而厥者裏有熱也白虎湯主之

三陽合病腹滿身重難以轉側口不仁而面垢讖語遺尿

以上皆陽明熱症之在經者以三陽統於陽明也但身重腹滿則似風濕宜用木附面垢讖語則似胃實宜用承氣

傷寒類方

白虎湯

卷

此處一惑生死立判如何辨別全發汗則讖語此陽從下之

則額上生汗手足逆冷此陰從若自汗者白虎湯主之自汗

白虎加人參湯二

白虎湯原方加人參三兩煮服同前法

服桂枝湯大汗出後大煩渴不解脈洪大者此湯主之煩

傷寒若吐若下後前汗後此七八日不解熱結在裏表裏

俱熱此四字為時時惡風表邪未盡大渴舌上乾燥而煩欲飲

水數升者胃液已盡不在經不在腑亦非若承氣症之有

邪在府者迥別此湯主之

傷寒無大熱內熱在口燥渴心煩背微惡寒者此亦虛燥之

傷寒脈浮發熱無汗無汗二字最其表不解者惡寒不可與

白虎湯渴欲飲水無表症者不惡寒白虎加人參湯主之白

加參湯大段治汗吐下之後邪已去而有留熱在於陽明

石羔湯症矣。壯火食氣

此方瀉火即所以生氣也

白虎湯

竹葉石膏湯 三

竹葉 二把 石膏 一斤 半夏 半升 人參 三兩 麥門冬 一升

甘草 二兩 粳米 半升 右七味以水一斗煮取六升去滓

內粳米煮米熟湯成煮法去米溫服一升日三服

傷寒解後虛羸少氣人參氣逆欲吐者竹葉竹葉石膏湯

主之此仲景先生治傷寒愈後調養之方也其法專於滋

吐下三者皆肺胃之陰氣以復津液蓋傷寒雖六經傳遍而汗

熱故滋養肺胃岐黃以至仲景不易之法也後之庸醫則

用溫熱之藥峻補脾腎而干

聖相傳之精義消亡盡矣

五苓散類九

五苓散

猪苓 十八銖 澤瀉 一兩 白朮 十八銖 茯苓 十八銖 桂枝 半兩

右五味為末以白飲和服方寸匕日三服多飲煖水汗

出愈服散取其停留胸中多飲煖水取其氣散營衛

太陽病發汗後大汗出胃中乾煩燥不得眠欲得飲水者

少少與飲之令胃氣和則愈若脈浮小便不利微熱消渴

者與五苓散主之胃中乾而欲飲此無水也與水則愈小

一渴而治法不同蓋由同一渴而

湯之象及渴之餘症亦各不同也

發汗已脈浮數煩渴者五苓散主之汗不盡則有留飲

中風發熱六七日不解而煩有表裡症渴欲飲水水入則

吐者名曰水逆胸中有水則不能容水矣五苓散主之桂枝治表餘四味治裏多

飲煖水汗出愈表裏俱到

本以下之故心下痞與瀉心湯痞不解其人渴而口燥煩

小便不利者五苓散主之治痞而痞不解反渴則為水停心下之故非痞也

太陽病寸緩關浮尺弱皆為虛象其人發熱汗出復惡寒不嘔

但心下痞者此以醫下之也誤治如其不下者病人不惡寒

而渴者此轉屬陽明也此屬實邪小便數者大便必鞭不更衣

十日無所苦也渴欲飲水者少少與之但以法救之隨症施治

不執一端渴者與五苓散如其渴不止五苓散亦一法也

霍亂頭痛發熱身疼痛熱多欲飲水者五苓散主之此亦表裏

同治之法

猪苓湯二

猪苓去皮 茯苓 澤瀉 滑石碎 阿膠各一兩 右

五味以水四升先煮四味取二升去滓內阿膠烱消溫

服七合日三

陽明病若脈浮發熱渴欲飲水小便不利者猪苓湯主之

傷寒類方

此陽明之渴故與五苓相近而獨去桂枝恐助陽也論中又云陽明汗多而渴不可與猪苓湯以胃中燥不可更利其小便也

少陰病下利六七日咳而嘔渴心煩不得眠者此湯主之

此亦熱邪傳少陰之症蓋少陰口燥口乾有大承氣急下之法今止嘔渴則熱邪尚輕故用此方使熱邪從小便出其路尤近也

文蛤散 三

文蛤 五兩 右一味為散以沸湯和一方寸七服湯用五

合

病在陽應以汗解之反以冷水溼之若灌之其熱被劫不

得去彌更益煩肉上粟起寒在肉中意欲飲水反不渴者服文

蛤散此熱結在皮膚肌肉之中不在胃口若不差者與五

苓散不應則表裡同治

茯苓甘草湯 四

茯苓 二兩 桂枝 二兩 甘草 一兩 生姜 三兩 右四味以水

四升煮取二升分溫三服

傷寒汗出而渴者五苓散主之桂枝止汗餘四味止渴不渴者茯苓

甘草湯主之此方之義從未有能詮釋者蓋汗出之後而渴不止與五苓人所易知也乃汗出之後並

無渴症又未指明別有何症忽無端而與茯苓甘草湯此意何居要知此處汗出二字乃發汗後汗出不止也汗出

傷寒類方

五苓散

卷

不止則亡。陽在即當與以真武湯其稍輕者當與以茯苓桂枝白朮甘草湯更輕者則與以此湯何以知之以三方同用茯苓知之蓋汗大洩必引腎水上泛非茯苓不能鎮之故真武則佐以附子回陽此二方則以桂枝甘草斂汗而茯苓則皆以為主藥此方之義

傷寒厥而心下悸者宜先治水水犯心當服茯苓甘草湯水犯心本草茯苓治心下結痛恐悸却治其厥不爾水漬入胃必作利也

真武湯

茯苓芍藥生薑白朮附子
茯苓桂枝白朮甘草湯
茯苓甘草湯
茯苓桂枝甘草湯
生薑

四逆湯類十

四逆湯

甘草二兩 乾姜一兩 附子一枚生用去皮破八片 右三味以水三升

升煮取一升二合去滓分溫再服強人可大附子一枚

常人則取中乾姜三兩按方名四逆必以之治厥逆論者小者可知乾姜三兩云厥者陰陽氣不順接手足逆冷是也凡論中言脈沉微遲弱者則厥冷不待言而可知此方溫中散寒故附子用生者四逆理中皆溫熱之劑而四逆一類總不離白朮以守中也治宜中焦餘藥皆相同而功用迥別

傷寒脈浮自汗出小便數心煩微惡寒脚攣急反與桂枝湯

湯攻其表此誤也得之便厥咽中乾煩燥吐逆者作甘草
乾姜湯與之以復其陽若厥愈足温者更作芍藥甘草湯
與之其脚即伸若胃氣不和讖語者少與調胃承氣湯

義詳雜方條內若重發汗復加燒針者四逆湯主之
陽非此湯不能挽回陽氣
陰陽兩虛之後又復竭其

傷寒醫下之續得下利清穀不止身疼痛者急當救裡後

身疼痛清便自調者急當救表救裏宜四逆湯救表宜桂

枝湯
說詳前桂枝條內

病發熱頭疼此乃表邪脈反沉見裡脈若不差身體疼痛當救其

裏宜四逆湯
身體疼痛陰陽二症皆有之今脈沉而疼痛雖發熱亦是裏寒外熱之症故用四逆

脈浮而遲表熱浮裏寒遲下利清穀者四逆湯主之

自利不渴者屬太陰以其藏有寒故也
明所以不渴之故當温之

宜四逆輩
有寒則不渴則知渴者皆當作熱治不日四逆湯而曰四逆輩凡温熱之劑皆可用

少陰病脈沉者急温之
病與脈相合則温不可遲宜四逆湯

少陰病飲食入口則吐心中温温欲吐復不能吐
此二句指不食之時言此與少陽之嘔當有分別宜以他症驗之始得之手足寒脈弦遲者此胸

中實
始得言病方起脈弦則有力故知為實不可下也
欲吐則病在上焦下之為逆當吐

之
在上者因而越之此少陰宜吐之法若膈上有寒飲乾嘔者
乾嘔無物則知其為飲矣

不可吐也當溫之寒飲無實物溫之則寒散而飲亦去矣凡治飲皆用溫法宜四逆湯

大汗出熱不去內拘急四肢疼以上皆外症其疼亦屬陰疼又下利清

厥逆而惡寒者三者皆虛寒內症四逆湯主之按此條諸症皆屬陰寒固為易辨惟

熱不去三字則安知非表邪未盡即惡寒亦安知非太陽未罷之惡寒惟下利厥逆則所謂急當救裏不論其有表無表而扶陽不可緩矣

大汗若大下利而厥冷者四逆湯主之汗下後而厥冷嘔則虛寒極矣

而脈弱小便復利身有微熱見厥者難治亦外熱內虛寒之故四逆湯主之

吐利汗出發熱惡寒四肢拘急手足厥冷者四逆湯主之

既吐且利小便復利而大汗出下利清穀內寒外熱脈微欲絕者四逆湯主之以上五條皆係汗下之後陽氣大虛故雖外有微熱而總以扶陽為急大

小便俱利則內陽亦盡矣不四逆加人參湯僅手足逆冷為陽微之驗也

四逆湯原方加人參一兩煎服法同

惡寒脈微而復利利止亡血也按亡陰即為亡血不必真脫血也成無已註引金匱

玉函曰水竭則無血謂利止則津液內竭四逆加人參湯主之加參以生津液

通脈四逆湯三

甘草二兩乾姜三兩附子一枚右三味以水三升煮

傷寒類方 四逆湯

傷寒類方 四逆湯

傷寒類方 四逆湯

傷寒類方 四逆湯

傷寒類方 四逆湯

傷寒類方 四逆湯

取一升二合去滓分温再服其脈即出者愈 面色赤

者加葱九莖 腹中痛者去葱加芍藥二兩 嘔者加

生姜二兩 咽痛者去芍藥加桔梗一兩 利止脈不

出者去桔梗加人參二兩 補益津液

少陰病下利清穀裏寒外熱 寒通陽於外 手足厥逆 外脈微欲

絕 內症 身反不惡寒 寒邪已入裡 其人面色赤 越陽 或腹痛或乾嘔

或咽痛 升陽 或利止脈不出者通脈四逆湯主之其脈即出

者愈 諸症或陽或陰乃閉塞不通之故用辛温通陽之品以治之其兼症不同詳如減法

下利清穀裏寒外熱汗出而厥者 汗出而厥陽有立亡之象 通脈四逆

湯主之

通脈四逆加猪胆汁湯 四

通脈四逆原方加猪胆汁半合煎如前法煎成內猪胆

汁温服其脈即出 猪胆汁苦滑之極引藥直達下焦

吐已下斷 利止也 汗出而厥四肢拘急不解脈微欲絕者通

脈四逆加猪胆汁湯主之

乾姜附子湯 五

乾姜 一兩 附子 一枚生用去皮切八片 右二味以水三升煮取一

升去渣頓服

下之後復發汗

先竭其陰後竭其陽

晝日煩躁不得眠夜而安靜

虛陽

有二症有喜陽者有畏陽者大抵陰亦虛者畏陽不嘔不

渴無表証脈沉微身無大熱者

此邪已退而陽氣衰弱故止用姜附回陽 乾姜

附子湯主之

白通湯

乾姜附子湯原方加葱白四莖煎服法照前

少陰病下利白通湯主之

此專治少陰之利用葱白所以通少陰之陽氣

白通加猪胆汁湯

白通湯原方加人尿五合猪胆汁一合右三味以水三

升煮取一升去渣內胆汁人尿和令相得分温再服無

胆汁亦可

少陰下利脈微者與白通湯利不止厥逆無脈乾嘔煩者

無脈厥逆嘔而且煩則上下俱不通陰陽相格故加猪胆汁人尿引陽藥達於至陰而通之內經所云反佐以取之是也

白通加猪胆汁湯主之服湯脈暴出者死微續者生

暴出

乃藥力所迫藥力盡則氣仍絕微續乃正氣自復故可生也少陰篇云少陰病下利不止惡寒而踈臥手足温者可治則又當以手足之温驗其陽之有無也前云其脈

即出者愈此云暴出者死蓋暴出與即出不同暴出一時即徐徐微續也須善會之

茯苓四逆湯

傷寒類方

四逆湯

卷

茯苓四兩一本 人參一兩 附子一枚 甘草二兩 乾姜一兩

右五味以水五升煮取三升去滓温服七合日三服

發汗若下之病仍不解煩躁者此陽氣不攝而煩所謂陰

不誤認爲 茯苓四逆湯主之本草茯苓治

四逆散丸

甘草炙 枳實 柴胡 芍藥 右四味各十

分搗篩白飲和服方寸七日三服 欬者加五味子乾

姜各五分并主下利 悸者加桂枝五分 小便不利者

加茯苓五分 腹中痛者加附子一枚炮令拆 泄利

下重者先以水五升煮薤白取三升去渣以散方寸七

內湯中煮取一升半分温再服別錄薤白主

少陰病四逆其人或欬或悸或小便不利或腹中痛或泄

利下重者此乃少陰傳經之熱邪並無脈微惡寒等陰症

四逆散主之疎邪通氣同名四逆與前諸

當歸四逆湯十

當歸 桂枝 芍藥 細辛各三 甘草

通草各二 大棗二十 右七味以水八升煮取三升温服

一升日三服

當歸四逆加吳茱萸生姜湯十一

當歸 甘草 通草各二兩 芍藥 桂枝

細辛各三兩 大棗二十枚 吳茱萸二升 生姜半斤 右九味以

水六升清酒六升和煮取五升去渣分溫五服

手足厥寒脈細欲絕者當歸四逆湯主之此四逆乃太陽傳經之邪而表

症猶未罷因陽氣已虛故用桂枝湯加當歸和血細辛溫散以和表裏之陽也若其人內有久寒

者宜當歸四逆加吳茱萸生姜湯主之內有久寒指平素言必從問而得之

或另有現症乃為可據吳茱萸溫中散寒其性更烈。按前四逆諸法皆主於溫此二方則溫中兼通陽和陰之法

下利脈大者虛也凡症虛而脈反大者皆元氣不固也以其強下之故也推

所以致設脈浮革辨脈法篇云脈弦而大弦則為減大則為芤減則為寒芤則為虛虛寒相搏此

名為因而腸鳴者腸鳴亦氣不通和之故屬當歸四逆湯主之

理中湯類十一

理中丸一

人參 甘草 白朮 乾姜各三兩 右四味搗篩

為末蜜和為丸如雞子黃大以沸湯數合和一丸研碎

溫服之日三四服夜二服腹中未熱益至三四丸然不

及湯理中丸與湯本屬一方方法以四物依兩數切用水八升煮

取三升去渣溫服一升日三服急則用湯若臍上築者腎氣

動也去朮加桂四兩即欲作奔豚桂枝加桂之法吐多者去朮加生

姜二兩有乾姜而復加生姜知乾姜不治嘔也下多者還用朮朮能止利悸者

加茯苓二兩悸為心下有渴欲飲水者加木足前成四

兩半消飲生津腹中痛者加人參足前成四兩半此痛因氣不足之故

別錄云人參治心腹鼓痛寒者加乾姜足前成四兩半腹滿者去木

加附子一枚此腹滿乃陽氣不充之故服湯後如食頃飲熱粥一升

許微自温勿揭衣被桂枝湯之飲熱粥欲其助藥力以

温

霍亂頭痛發熱身疼痛論中又云嘔吐而利名曰霍亂又

亂合觀之則霍亂之症始備蓋亦傷寒之類後人以暑月

之吐利當之而亦用理中更造為大順散者皆無稽之論也熱多欲飲水者五苓散主之此熱勝寒寒多不用水者

理中湯主之此寒勝熱之霍亂。按霍亂之症皆由寒熱

所致五苓所以分其清濁理中所以壯其陽氣皆中焦之治法也

大病差後喜唾胃液不藏久不了了胃上有寒當以丸藥

理之當緩治之宜理中丸

真武湯二

茯苓 芍藥 生姜各三兩 白朮二兩 附子一枚 右

五味以水八升煮取三升去渣温服七合日三服 若

嗽者加五味子半升細辛乾姜各一兩 若小便利者

去茯苓 若下利者去芍藥加乾姜二兩此即下利清穀之類故去

芍藥加乾姜若熱利則芍藥又為要藥也須審之
若嘔者去附子加生姜足前成

半斤

太陽病發汗汗出不解太陽病乃桂枝症也其發汗當取微似汗則衛氣泄而不傷營若發

病仍不解觀前桂枝湯條下服法可推而知也
其人仍發熱仍在心下悸下焦腎水因心液不足隨陽而上犯頭眩身瞤動振振欲

擗地者陽氣洩則虛真武湯主之此方鎮伏腎水挽回陽氣

少陰病二三日不已至四五日腹痛小便不利四肢沉重疼痛自下利者以上濕邪之症此為有水氣水亦濕也其人或咳或小

便利或下利或嘔者此四症或有或無方中加減法俱詳真武湯主之此方因發

汗不合法上焦之津液乾枯腎水上救以此鎮腎氣治逆水不專為汗多亡陽而設治亡陽之方諸四逆湯乃正法也

附子湯

附子二枚炮茯苓三兩人參二兩白朮四兩芍藥三兩右

五味以水八升煮取三升去滓溫服一升日三服

少陰病得之一二日口中和寒邪已微其背惡寒者當灸之但背

惡寒則寒邪聚於一處故用灸法。按白虎加人參湯亦有背微惡寒之症乃彼用寒涼此用溫熱何也蓋惡寒既有微甚之不同而其相反處全在口中和與口燥渴之迥別故欲知裡症之寒熱全在渴不渴辨之此傷寒之要訣也
附子湯主之此乃病已向愈正氣虛而餘寒尚存之証也

傷寒類方

理中湯

卷

少陰病身體疼手足寒骨節痛脈沉者附子湯主之此亦虛寒症餘

甘草附子湯四

甘草二兩 白朮二兩 桂枝四兩 附子二枚 右四味以水

六升煮取三升去渣溫服一升日三服初服得微汗則

解即服桂枝湯論中所云風濕發汗汗大出者但風氣去濕氣在是故不愈也治風濕者發其汗但微似

欲出汗者風濕俱去也 能食汗出復煩者尚有餘邪鬱而未盡 服五合恐一

升多者服六七合為始此言初服之始

風濕相搏骨節疼煩掣痛不得屈伸近之則痛劇汗出短

氣小便不利惡風不欲去衣或身微腫者此湯主之此段風濕之狀病情略備

桂枝附子湯五

桂枝四兩 附子三枚 甘草二兩 生姜三兩 大棗十

右五味以水六升煮取二升去滓分溫三服按此即桂枝去

芍藥加附子湯但彼桂枝用三兩附子用一枚以治下後脈促胸滿之症此桂枝加一兩附子加二枚以治風濕身疼脈浮瀋之症一方而治病迥殊方名亦異彼編入桂枝湯類此編入理中湯類細思之各當其理分兩之不可忽如此義亦精矣後人何得以古方輕於加減也

桂枝附子去桂加白朮湯六

白米四兩 甘草二兩 附子三枚 生姜三兩 大棗十二枚 右

五味以水六升煮取二升去滓分溫三服初服其人身

如痺半日許復服之三服盡其人如冒狀勿怪此以附

木併走皮內逐水氣附木併力則逐水之功愈矣 未得除故使之耳

法當加桂四兩此即前桂枝附子湯 此本一方二法以大便鞭小

便自利去桂也以大便不鞭小便不利當加桂觀此條知桂枝

能通小便故 附子三枚恐多也虛弱家及產婦宜減服

之 附子能却陰氣

傷寒八九日風濕相搏身體疼煩不能自轉側濕則身重 不嘔

不渴濕而兼寒 脈虛浮而濇者內外之陽俱虛 桂枝附子湯主之若其

人大便鞭小便自利者去桂加白朮湯主之白朮生腸胃之津液

茯苓桂枝白朮甘草湯七

茯苓四兩 桂枝三兩 白朮各二兩 甘草各二兩 右四味以水

六升煮取三升去渣分溫三服

傷寒若吐若下後心下逆滿氣上衝胸起則頭眩脈沉緊

發汗則動經身為振振搖者此湯主之此亦陽虛而動腎水之症即真武症

之輕者故其法亦仿真武之意

芍藥甘草附子湯八

芍藥 甘草各三兩 附子一枚炮去皮破入片 右三味以水五升

煮取一升五合去渣分温三服

發汗病不解反惡寒者虛故也此湯主之甘草附子加芍藥即有和陰之意亦邪之甚輕者

桂枝人參湯九

桂枝四兩 甘草四兩 白朮 人參 乾姜各三兩 右

五味以水九升先煮四味取五升內桂更煮取三升桂獨

後煮欲其於治裡症藥中越出於表以散其邪也 去渣温服一升日再夜一服

太陽病外症未除而數下之下之太多遂協熱而利利下不

止邪陷入裡心下痞鞭邪在上焦表宜桂枝裏宜餘不解桂枝人

參湯主之此必數下之後而現虛症故雖協熱而仍用温補

雜法方類十二

赤石脂禹餘糧湯

為丸

論中有汗家重發汗必恍惚心亂小便已陰疼與禹餘糧丸疑即此

赤石脂 禹餘糧 各一斤 右二味以水六升煮取二升

去滓分温三服 二石同煎方中絕少

傷寒服湯藥下利不止心下痞鞭服瀉心湯已復以他藥

下之利不止 一再誤 醫以理中與之利益甚理中者理中焦

也此利在下焦 下藥太過則大腸受傷 赤石脂禹餘糧湯主之 以瀉治脫

復利不止當利其小便 分其清濁則便自堅

傷寒類方

雜法方

七

炙甘草湯

又名復脈湯

甘草

四兩

生姜

三兩

人參

二兩

生地黃

一斤

桂枝

三兩

麥門冬

半斤

阿膠

二兩

麻仁

半斤

大棗

三十枚

右九味以清酒七升水八升先煮八味取三升去渣內膠烱消盡

溫服一升日三服

傷寒脈結代

脈來緩而時一止復來日結脈來動而中止皆氣血兩虛而經隧不通陰陽不交之故

心動悸

心主脈脈之止息皆心氣不寧之故

炙甘草湯

此治傷寒邪盡之後氣血兩虛之主方也。活人書云陰盛則結陽盛則促

甘草乾姜湯

甘草

四兩

乾姜

二兩

右二味以水三升煮取一升五合

去滓分溫再服

芍藥甘草湯

四

芍藥

四兩

甘草

四兩

右二味以水三升煮取一升五合

去滓分溫再服

傷寒脈浮自汗出小便數心煩微惡寒

以上俱似桂枝症 脚攣急

裏虛之象只此一症決非桂枝症矣凡辨症必於獨異處着眼 反與桂枝湯欲攻其表此

誤也得之便厥咽中乾煩燥吐逆者有陽越之象 作甘草乾姜

湯與之以復其陽若厥愈足溫者更作芍藥甘草湯與之

其脚即伸

此湯乃純陰之劑以復其陰也陰陽兩和而脚伸矣

若胃氣不和讖語者

留邪在中焦

少與調胃承氣湯若重發汗復加燒針者四逆湯

主之

詳見四逆湯條下

問曰証象陽旦

活人書云桂枝湯加黃芩曰陽旦成無己云即桂枝湯別名

按法治之

而增劇厥逆咽中乾兩脛拘急而譫語

以上言按法用方而病不應手其故

安師言夜半手足當溫兩脚當伸後如師言何以知之答

曰寸口脈浮而大浮則為風大則為虛風則生微熱虛則

兩脛攣病証象桂枝因加附子忝其間

桂枝加附子湯增桂令汗

出附子溫經亡陽故也

厥逆兩脛拘急即陽亡之兆

厥逆咽中乾煩燥

陽明內結

陽越在上

讖語煩亂更飲甘草乾姜湯

通納陽氣

夜半陽

氣還兩足當熱脛尚微拘急重與芍藥甘草湯

陽復而陰又虛以此

養陰氣

爾乃脚伸以承氣湯微溏則止其讖語

以滌陽明所結之餘邪

故知病可愈

病証象桂枝句以下歷叙治效以明用藥之次第當如此蓋病証既多斷無一方能治之

理必先分証而施方而其先後之序又不可亂其方有前後截然相反者亦不得以錯雜為嫌隨機應變神妙無方而又規矩不亂故天下無不可愈之疾後人欲以一方治諸症又無一味中病之藥嗚呼難哉

茵陳蒿湯

五

茵陳蒿

六兩

梔子

十四枚

大黃

二兩

右三味以水一斗先

煮茵陳減六升

茵陳為主藥

內二味煮取三升去滓分溫三

服小便當利尿如皂角汁狀色正赤一宿腹減病從小便去也先煮茵陳則大黃從小便出此秘法也

陽明病發熱汗出者此為熱越不能發黃也但頭汗出者身無汗劑頸而還小便不利渴欲飲水者此為瘀熱在裏身必發黃茵陳湯主之本草茵陳主熱結黃疸

傷寒七八日身黃如橘子色小便不利腹微滿者陽明茵陳湯主之

麻黃連軀赤小豆湯六

麻黃二兩去節連軀二兩赤小豆一升生梓白皮一升杏仁

四十枚甘草二兩生薑二兩大棗十二枚右八味以潦一斗

無根之水先煮麻黃再沸去上沫內諸藥煮取三升去滓分溫三服半日服盡連軀即連翹根氣味相近今人不採即以連翹代可也

傷寒瘀熱在裏身必發黃此湯主之前方欲黃從下解此方欲黃從汗解乃有表無表之分也

麻黃升麻湯七

麻黃二兩半升麻一分當歸一分知母一分黃芩

萎蕤各十銖白朮八銖石羔一分乾姜一分芍藥

天冬一分桂枝一分茯苓一分甘草各六銖右十四味以

水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈

傷寒六七日大下後寸脈沉而遲手足厥逆下部脈不至

咽喉不利唾膿血泄利不止者皆上熱下寒之症為難治此湯主

之此乃傷寒壞症寒熱互見上下兩傷故藥亦照症施治病症之雜藥味之多古方所僅見觀此可悟古人用藥

法之

瓜蒂散八

瓜蒂熬黃赤小豆各一分右二味各別擣篩為散已合治

之取一錢匕以香豉一合用熱湯七合煮作稀糜去渣

和散溫頓服之不吐者少少加得快吐乃止諸亡血虛

家不可與之此即論中所云吐法也梔子散湯治虛煩非專引吐此方則專於引吐而已

病如桂枝症頭不痛項不强寸脈微浮胸中痞鞞氣上冲

咽喉不得息者此為胸中有寒也寒心兼飲當吐之在上者越之宜

瓜蒂散本草瓜蒂病在胸腹中皆吐下之

病人手足厥冷脈乍緊者邪結在胸中所以陽氣不能四達心中滿

而煩饑不能食者病在胸中當須吐之宜瓜蒂散

吳茱萸湯九

吳茱萸一升人參三兩生姜六兩大棗十二枚右四味以

身寒煩方

雜法方

五

水七升煮取二升去渣温服七合日三服

食穀欲嘔者必食穀而嘔受病在納穀之處與乾嘔迥別屬陽明也吳茱萸湯

主之得湯反劇者屬上焦也上焦指胸中陽明乃中焦也

少陰病吐利手足逆冷煩燥欲死者吳茱萸湯主之此胃氣虛

寒之

乾嘔吐涎沫吐涎沫非少陽之乾嘔然亦云乾嘔者謂不必食穀而亦嘔也頭痛者陽明之脈

上於頭吳茱萸湯主之此胃中有寒飲之症

黃連阿膠湯十

黃連四兩黃芩一兩芍藥二兩阿膠三兩雞子黃二枚

右五味以水六升煮三物取二升去渣內膠烱盡小冷

內雞子黃小冷而內雞子黃則不至凝結而相和攪令相得温服七合日

三服

少陰病得之二三日以上心中煩不得臥此湯主之此少陰傳

經之熱邪擾動少陰之氣故以降火養陰為治而以雞子黃引藥下達

桃花湯十一

赤石脂一斤一半全用一半篩末乾姜一兩粳米一升右三味以水

七升煮米令熟去滓內赤石脂末方寸匕温服七合日

三服若一服愈餘勿服兼未服取其留滯收瀉

少陰病下利便膿血

寒熱不調則大腸為腐故成膿血與下利清穀絕不同

桃花湯

主之

本草赤石脂療下利赤白

少陰病二三日至四五日腹痛小便不利下痢不止便膿

血者桃花湯主之

半夏散及湯

十二

半夏

洗

桂枝

去皮

甘草

炙

右三味等分各別擣篩

已合治之白飲和服方寸匕日三服若不能散服者以

水一升煎七沸內散兩方寸匕更煎三沸下火令小冷

少少嚥之

治上之藥當小其劑

少陰病咽中痛

足少陰之脈循喉嚨挾舌本

半夏散及湯主之

本草半夏治喉

咽腫痛桂枝治喉痺此乃咽喉之主藥後人以二味為禁藥何也

豬膚湯

十三

豬膚

一斤

右一味以水一斗煮取五升去渣加白蜜一

升白粉五合

當是米粉

熬香和令相得溫分六服

少陰病下利咽痛胸滿心煩者

此亦中焦氣虛陰火上炎之症

豬膚湯主

之以甘鹹納之

甘草湯

十四

甘草

二兩

右一味以水三升煮取一升五合去滓溫服

七合日二服

桔梗湯 十五

桔梗 一兩 甘草 二兩 右二味以水三升煮取一升去渣

分温再服

少陰病二三日咽痛者可與甘草湯 大甘為土之正味能制腎水越上之火

不差與桔梗湯 佐以辛苦開散之品 別錄云療咽喉痛

苦酒湯 十六

半夏 十四枚 雞子 一枚 右二味內半夏著苦酒中以雞子

殼置刀環中安火上令三沸 此等煮法必有深意 疑即古所云禁方也 去渣

少少含嚥之不差更作三劑

少陰病咽中傷生瘡 疑即陰火 喉癰之類 不能言語聲不出者苦酒

湯主之 咽中生瘡此必遷延病久咽喉為火所蒸腐此非湯劑之所能療用此藥斂火降氣內治而兼外治也

烏梅丸 十七

烏梅 三百枚 細辛 六兩 乾姜 十兩 當歸 四兩 黃連 一斤

附子 六兩 炮 蜀椒 四兩 去汗 桂枝 六兩 去皮 人參 六兩 黃蘗 六兩

右十味異擣篩合治之以苦酒浸烏梅一宿去核蒸之

五升米下飯熟搗成泥和藥令相得內臼中與蜜杵二

千下圓如梧桐子大先食飲服十九日三服稍加至二十九禁生冷滑物臭食等

傷寒脈微而厥至七八日膚冷陽氣不衛其人躁無暫安時者

此為藏厥此症不治非虵厥也虵厥者其人當吐虵今病者靜

而復時煩此為藏寒虵上入其膈故煩須臾復止得食而

嘔又煩者虵聞食臭出其人當自吐虵虵厥者烏梅丸主

之又主久痢此治久痢之聖方也其能治虵諸藥之性當於神農本草中細細審辨諸方盡然不復一

一具

白頭翁湯十八

白頭翁二兩 黃連 黃蘗 秦皮各三兩 右四味以

水七升煮取二升去滓溫服一升不愈更服一升

熱利下重者白頭翁湯主之凡下重皆屬於熱

下利欲飲水者以有熱故也白頭翁湯主之

牡蠣澤瀉散十九

牡蠣 澤瀉 蜀漆洗去腥 括婁根 葶藶子

商陸根熬 海藻洗去鹽以 右七味異擣下篩為散更

入臼中杵之白飲和服方寸匕小便利止後服

大病差後從腰以下有水氣者水流下牡蠣澤瀉散主之此治

傷寒類方

水病之主方

蜜煎導方 二十

蜜七合右一味於銅器內微火煎凝如飴狀攪之勿令

焦灼俟可丸併手捻作錠令頭銳大如指長二寸許當

熱時急作冷則鞭以內穀道中以手急抱欲大便時乃

去之

猪膽汁方 廿一

大猪膽一枚瀉汁和醋少許以灌穀道中如一食頃當大便出宿食惡物甚效

陽明病自汗出若發汗小便自利者此乃津液內竭雖鞭

不可攻之當須自欲大便須待也言必待其自欲大便而後用此法宜蜜煎導

而通之若土瓜根及大猪胆汁皆可為導

燒裨散 廿二

右取婦人中裨近陰處剪燒灰以水和服方寸七日三

服小便即利陰頭微腫則愈婦人病取男子裨當燒灰

引其邪火從陰處出也

傷寒陰陽易之為病病方愈而交接則感其餘熱而生疾其人身體重少氣

少腹裏急或引陰中拘攣熱上衝胸頭重不欲舉眼中生

花膝脛拘急者燒裨散主之

傷寒類方

雜法方

下

天保八年丁酉十月十三日

清徐靈胎著

難經經釋

醫學源流論

神農本草百種錄

醫貫

蘭臺軌範

右五種逐部嗣刻

侍醫曹法眼多紀先生藏板

寛政丁巳六月

京都書肆

山本長兵衛
出雲寺文次郎
林 権兵衛
九屋市兵衛
小川多左衛門

東都書肆



池之端仲町
須原屋伊八
發兌
今川橋白銀町三丁目
須原屋善五郎

天保六年正月九日
先生所與

其書識

天保六年三月廿五日

天保六年三月廿五日
同德

